




彈詞注

樹玉堂藏板

廿一史彈詞註序



文體之有正變謂非時遇之順逆使然乎何以顯其然哉時際休隆珥筆纂述則即以胸中瑰瑋發為文章形管流徽賡揚盛事此遇之順而文之正也不幸而為孤臣孽子憂讒畏譏或招沉湘或悲賦鵬致寄慨於蟲魚因寓情於草木其遇則逆其文則變所固然也然遇有順逆文有正變而皆以不外勸懲扶正人心者乃足歌咏於不衰余居恒披史每思數十家之浩繁讀者粹難竟業思得一指南捷訣俾義軒而下元明以上條分縷析言約旨該觀者瞭如指掌誦者洋洋盈耳於以引掖兒輩祕之家塾卒戛戛乎難之乃偶於書肆斷簡中得

廿一史彈詞註序

用修楊先生廿一史彈詞而竊歎先生之先獲我心也先生以元輔令嗣舉制科大元為天下第一聞人不幸以議大禮放廢著書一百零九種見行海內而彈詞一書胡未之載或曰此先生不得志於時之所為也零裁雲錦碎剪氷紋恐類詼諧涉嘲諢故祕而不傳未可知也予曰不然文體雖變而大義不渝即如虞書府事嘗著功於九歌毛詩三百皆不離乎風雅况先生博綜記載彙括微言褒貶一法春秋而不必有知罪之懼論列無殊班馬而不必操著作之權故變幻參差縱橫絕續止借里謠巷詠以抒其弔古談今之懷意不主於詼諧而實藉以提撕告誡語非取於嘲諢而有裨於群怨興

觀其聲可供絲竹而其義可作箴銘其謳吟悲慨可醒
愚婦愚夫而禾黍流連亦可悟賢君賢相歎歎往古接
引將來先生雖不顯居其名而其功豈遂出全史下哉
倘後之讀史者不為昭揭而使珠玉沉埋謂非表章者
之責乎幸秀水諸公什襲家笥用光剗刷庶不負作者
苦心並可為讀史者之津梁矣獨是先生以曠世逸才
擅一代著作手極往古來今興亡治亂之推遷以及正
閏僭竊之升沉數十百家言人人殊而先生按節諧聲
引商刻羽出之一唱三歎寓至微於至顯之中藏至奇
於至平之內是非全史博通五車淹貫能窺此乎第恐
初學涉獵未週達此失彼將先生為勸為懲扶正人心

之意把卷茫然欲臥者矣爰命璜兒一一詳為註釋務
使事實可稽義蘊昭晰歷寒暑數易稿而書始成雖全
史蘊藉未易表著而屬詞比事先生之苦心庶幾若睹
矣嗣有知者謂先生約衆史之班駁為便覽之新聲俾
讀者事半功倍以為扶誘之功臣可也若謂揉全史之
莊重作艷綺之柔詞為涑水鄱陽毘陵諸公之罪人則
不可也謂斯註釋發明隱義為古學片筏作彈詞演義
可也若謂援古引經出處明晰斷章取義序次井然於
勸懲大義可為前賢後哲之功臣則不敢也而余因是
竊有感矣夫人生境遇順逆亦何常之有向使先生遇
際其順亦不過為卿為相澤被一時已耳烏能感慨淋

滴低徊於萬千年之變遷百數十君之得失渾括於三
萬言內而唱歎無餘與龍門涑水同其俯仰可立言不
朽也哉然則先生之遇逆也而未始不順也先生之文
變也而仍不失其正也烏得以類詆諧涉嘲謔莫爲之
後致有美弗彰乎因是梓而行之爲之序以公同好云
康熙甲寅長至月漢陽張三異禹木題於西泠客舍

彈詞註序

彈詞註一書余於甲寅秋侍先大夫於武林受命所註今付諸剞劂有謂篋藏三十七年忽授之梓者何居曰不欲梓者余之心不能不梓者余仰體先大夫之心也先大夫於癸丑冬解組會稽旅寓西湖日手彈詞一編咏歌不輟又以明代缺如因綜有明三百年事續著彈詞顧謂余曰楊先生放廢滇南時其胸中抑鬱一往忠君愛國之心無可寄寄之歌詞一彈再鼓隱寓夫勸懲來世扶正人心之旨予並續明詞俾無缺漏惟是詞意曠括恐讀者按詞忘事其於勸懲之旨終覺展卷茫然汝其綜此兩書詳註而急梓之以公同好可耳予聞命

彈詞註序

一

跪而請曰大人不以瑣之不肖命註彈詞敢不奉嚴命然竊思之古者聖作明述有經必有傳有是書必有是書之箋註但後儒學尚訓詁雖六經皆有註疏每多失經之本旨即如三傳有功於春秋而馬融不能無異同之疑合註有功於左氏而杜預且引爲一人之癖古人著述之難類如此况升菴彈詞採全史爲十段採用宏博大人續補明詞並驅不朽倘蒐羅未廣攷核未詳遽登黎棗貽笑通儒非大人所以命瑣之意也敢請緩之先子曰然古人十年而成一賦註書豈厭詳慎汝其勉之余唯唯而退由是篝燈起稿繙閱群書根究事蹟悉其原委歷寒暑而註幾成可以梓矣而未遽梓者不敢

謂已得古人之旨也故曰不欲梓者余之心也嗣是歸里暇日猶數易稿請正先大人大人命匠計工亟圖授梓緣辛酉以前余事制舉菽未得全力搜討及于役梧江匏繫雞肋校讎無人授梓之意終不果而先子遂於辛未見背矣徒跣奔旋雞骨支牀潦倒疾病諸事俱廢遷延又十九載今自顧鬚髮霜盈桑榆影逼倘過此不能付梓成書懼無以見先人於地下而謂予能已於授梓乎昔龍門馬遷繼父談書不忘執手之泣扶風班固就父彪業克成漢史之詳思廉表遺言而續梁陳二書延壽終先志而撰南北二史古人著書堂構相承比比然矣余不才去古人何啻天淵而其不忍忘先人之心與先人望予之心則一也乃今閱三十七年而始謀授梓方以曠日滋戾而猶敢逡巡乎哉故曰不能不梓者余仰體先大夫之心也獨是前後兩書註成授梓有期其於闡發勸懲之旨未知果能仰酬先志與否而歲月遷移先大夫不獲目擊校正則撫編摩挲是又余之滋感也夫

康熙四十九年庚寅嘉平月漢陽張仲璜別麓題

廿一史彈詞舊序

世傳用修戍滇南常傅胡粉支髮爲兩角髻行歌市中
余竊疑之謂賢達何放廢如是及得用修廿一史彈詞
喟然歎曰用修行吟自廢豈無意歟夫世之刪史者不
過節約其文與事備勸戒便觀覽而已用修不然先之
以聲歌繼之以序說雜以里語街談彙括參差自然成
韻似正似諧似俗似雅似近似遠其意豈徒以自廣已
哉蓋痛古今之須臾悲興亡之倏忽而橫目之民悠悠
以難悟也故爲曼聲以送之使言者足以感聞者易以
思殆懷屈子沉湘之志而復能自脫於莊列達生之旨
不失其正而亦不傷其生者乎夫用修以元輔子擢制

彈詞舊序

策首其一時寵遇豈不盛哉及一朝遣戍終老南裔無
望賜環彼聰明才悟殆有過人者也見夫苑枯華落陵
谷變遷轉眼無定不以此一死生齊物化而徒怨歎感
憤以懟君父而夭其生則似愚矣故託往事藏來者短
詠長歌傀儡千古披髮行吟以自全而不以爲恥嗟夫
世何常語亦何常談言解紛利在微中世有奸雄懷禍
亂而不悔如焚原烈澤不可向邇一旦庸夫孺子巷陌
之謠片言入耳向日凶燄輒烟銷灰冷不待黃泉而氣
息已盡何哉誠有以動其心也凡人暗於自見未有不
明於見人今觀用修所述纍纍萬餘言上自鴻龐下迄
勝國其間皇帝王伯忠孝賢聖之驅馳亂臣賊子之縱

橫戎狄盜賊之生滅靡不兼總條貫其詞可竹可絲可
語可笑至於重復悲慨淒其斷絕令人一而歎再而悔
如雍門之哦一市人皆泣如越石之嘯羌胡皆涕泗沾
衣投戈北去而不自知其哀痛之何從也是真所謂情
深於騷而用廣於騷者歟時初夏余方晝臥北窗下聽
黃鸝歌金縷忽忽睡去夢身至堯禹所左右臂化爲臯
夔共驩轉屬遷換下至莽操懿温尿管轉化與同作賊
旋復剖心出視變爲禰衡諸烈士又變作庭前舞馬殿
下孫供奉興兵仗劍搥鼓撤衣殺賊罵賊城郭山川罔
不遍歷侯王將相東討西征屠戮誅夸生死生生不可
勝數旋及爪髮毛毫反復變化覺帝王聖賢所爲甚苦

欲旦暮解脫不可即得又覺莽操懿温亦無樂境刀鋸
焚炙無有苦惱俯視北邙高墳卑塚白骨枯骸皆身受
享所過不復悲憶輒復歌曰將軍戰馬今何在野草開
花遍地愁忽然驚寤則兒子鼎持此詩話歌且讀於旁
也推枕而起黃鸝在樹花影當庭拭眼悲悔謂聲塵不
淨耳受乃爲身受夢作即同真作因歎黃梁一夢果不
欺人鼠肝蟲臂俱爲蝶化慨然有赤松安期之想噫人
生若朝露將晞古今三百二十七萬八千餘年亦剎那
間事但聖賢豪傑於夢中得好光景耳若漢唐宋來亂
臣賊子朋黨交傾正如迷人夢入惡境顛倒呻吟不能
自醒昔用修旣放一時諸臣多貴盛者爾時君臣相得

不啻魚水然其賢者既憂讒畏譏不肖旋被褫斥甚而
榮街爲戮名在丹書淒涼千載悲夫賢愚共盡黃土悠
悠以視用修傳粉悲歌漁樵唱和猶贏得一場清夢也
時天啓癸亥九日古吳宋鳳翔羽皇題

明紀彈詞序

彈詞以三萬餘言彙括廿一史光祿之才豈後人所可及哉乃猶有遺漏俟王子李延補苴之予觀其所遺數事不過萬中之一二補苴易易耳至若有明一代全史概未得纂集先生才雖大勢不能留其身於百年後以續前詞豈非憾事乎余與璜兒既爲先生註其已著之詞而弗續其未備之詞不同一憾事乎因不揣固陋追繹先生之心廣蒐明紀諸書合二祖十四宗之蹟撮要敷陳比音叶節雖東施效顰才非先生之才而心則猶是先生之心也先生生明武宗朝上溯洪武歷一百四十四年更十君其間治亂安危自開國以至遜國自仁

明紀彈詞序

一

宣以至土木之變自弘治以至宸濠之叛皆先生所已知者其爲可驚可喜可歌可泣之事皆先生所亟欲播之聲歌而孤臣直筆不欲以微詞掩也自世廟下逮懷宗閱九十五年更六主其間由嚴嵩竊柄以至庚戌之危由江陵秉政以至黨議之興由魏璫稔惡以至流賊之破碎山河闔寺復用以至甲申狗難社稷淪亡於赤眉黃巾一切僉壬亂政傷心慘目之象皆先生所未睹記者使先生而在有不效屈子之行吟似賈生之流涕綜一代興亡之顛末寄之一唱三歎者乎乃先生不能留其身於百年後以輯明詞而其心則昭然若揭也予亦第爲先生抒其不容已之心而已代斲傷手誚奚容

辭書成爰命璜兒并加詳註勿滋遺漏之咎因竊念廿一史皆數千萬年已往事布之街談巷詠有知者有不知者若明代始嚴於法網繼慘於靖亂厥後元氣喪於權璫禍亂釀於門戶而沉陸中原烟銷於闖獻二賊父老猶有能道其軼事者一聆此詞有不如耳所習聞道所見慣者乎雖

聖朝屢勅詞臣纂修明史固有藏之石室懸為金鑑者若以此草野新聲當江天日晚林下風清雜之漁歌樵唱中使愚夫愚婦聞之知若者為忠臣若者為義士若者為亂臣賊子於以油然而興惕然醒焉亦廉頑立懦之一徵也况前事為後事之師後車鑒前車之覆今歷歷指陳較若列眉即據以考鏡得失謂非古今來殷憂啓聖之一助耶請以是質之光祿其心或亦可無遺憾也已漢陽張三異禹木題於武林之儲社堂

彈詞註凡例

一彈詞一書義宗經傳詞類風騷自開闢以來流傳
世代君臣賢否國運短長統在數十頁內洵讀史
便捷法門也維揚董昭侯舊有刊本桐川陳上儀
秀水王季延朱葵石更加訂正重鐫行世閱者咸
知是書之功不在全史下而服習者恒少良由博
極群書語多不解瓊承父命按詞註解考證詳晰
如四書之有集註讀者源委悉明講者尋繹不倦
俾一部廿一史從容漸漬淹貫於胸中所記約而
所通博是詞之有功史學良非渺已

彈詞註凡例

一冊而浩博之才更於正史外無書不供採取今
遵廿一史逐詞細註其正史所無亦必於引用諸
書考核根據確有載籍出處者方敢入註惟每段
之開場詞調詩句及結束咏嘆數行係作者詞外
流連低徊不盡之意無關正史故略而不註

一本詞每行三句句共十字有十字一事者有三句
分三事者有一句兼二三事者作者語有根原字
非泛設註亦事事詳釋不敢忽略一字

一詞分十段一總說二三代三秦漢四三分兩晉五
南北六五胡七隋唐八後五代十一國九宋遼金
夏十元史如某段說某朝先於是段詞前總說是

朝世次共享國若干年今更於世次之下分註各
主在位年數至漢武帝後並附註正閏年號俾初
學順便一覽即知歷代改元建號並知各主年數
多寡目省而功倍間有在位年數註與詞異緣註
遵綱目編年亦不附會本詞是在讀者再加攷証
一歷代迭興改易郡邑建置迥殊詞內封爵事實戰
爭之處所載地名止據史書各隨朝代郡縣隨地
列名有漢是而晉非唐因而宋革者若不考前代
廢興何名近日隸轄何省則茫不知其所在今瓊
按考方輿勝覽廣輿記廣皇輿攷一統志諸書於
圈外附註逐條之後庶讀者隨註考地知某朝某
郡邑都鄙即今某省府州縣衛所下及邊荒僻壤
一水一山亦必考證新舊方名間有輿圖查檢無
據者則於註末直書曰未詳以備考核閱者鑒之
一歷代盛衰事故作者止憑己意論斷原不計事之
前後連貫有一事而時歷兩朝一人而略前詳後
者若止就詞演事未免有尾無首今每註一事必
邇厥初若何要終若何或以先是云云至是云云
俾其端委畢悉庶無掛漏

一註依正史務期闡發詞義不至含糊其史句文義
間有深晦難解及名號今古不同事實典故正史
本文未經縷析者又必於圈外再加補註總期無

義不悉展卷了然

一詞內間有前朝事實誤入後代及引用有戾正史者由縱筆疾書採用偶訛今不便將某事改歸某代仍於本詞註明此事原委止云按史如何云云而於註末駁正曰疑誤

一詞內有一語而稱述前後重出者不便一註再註即於本詞下註明註見第幾段某句下有一事而前道其始隔數行而後述其終其此事文義不便割裂兩截則於詞之後句一總註釋止於前詞句下書曰註見下以省重複

一史書所載各異如三皇五帝仲丙外壬之類所傳

彈詞註凡例

三

近誣如以呂易嬴以牛易馬之類以及附會傳疑如燭影斧聲之類不一而足璜於本事註後或採昔人論斷或據近日新編間附已見一破野史荒謬或亦考古論世者所樂聞也

一帝王謚法及后妃公主名字足稽者附詳註後字有難識者并爲音釋以免訛錯

一引用古人名號有稱名稱字稱號或稱別號及所居縣名與書院名並稱其封爵謚號一人而數易其稱頗爲難記今於各朝詞內之賢相名臣忠孝廉節古今聲施不朽者皆於註後標明字某號某某處人某爵某謚以爲博古之一助但里居一仍

各朝舊日地名不敢易舊從新恐引用反疑悖古
或人有重見者名不重標若其爵謚雖有人不足
錄者槩略不書

一彈詞止於元末其明紀彈詞一書係先子乙卯於
武林續著因時近事繁不比往古槩可簡略故詞
務精詳璜謹註釋成卷綴於十段詞後亦爲一段
分作上下兩卷奈明史尚無成書祇據明紀編年
崇信錄鴻猷錄史竊通紀廣彙紀事本末昭代紀
略歷代小史諸書採用成詞恐歷朝頗多缺略是
非或有謬誤尚希鴻筆駁正是則彈詞之幸而璜
與先子之厚望也

晴川張仲璜別麓謹識

成都楊慎用修編著

漢陽張三異禹木增定

男仲璜別麓註 孫坦舍坤章

伯琮鶴湄訂 坦麟畫臣

叔珽鵠巖叅 坦驄青御

坦熊男祥全校

第一段 總說 西江月

天上烏飛兔走人間古往今來沉吟屈指數英才多少
是非成敗 富貴歌樓舞榭淒涼廢塚荒臺萬般回首
化塵埃只有青山不改 詩曰

彈詞註卷一

為愛青山日倚樓白雲紅樹兩悠悠秋鴻社燕催人
老野草閒花徧地愁

野草閒花徧地愁龍爭虎鬪幾時休舉頭吳越齊秦
楚回首梁唐晉漢周槃世盡從忙裏老誰人肯向死
前休賢愚千載知誰是滿眼蓬蒿共一邱

八句罷談詩少賣且將今古事評論詩詞只可譚風
月今古還堪警世人博覽經書尋典故傷搜史傳綴
新文零裁錦繡篇篇好碎剪冰霜字字精按捺奸邪

尊有道讚揚忠孝獎賢能丁當擊玉敲金字剔透蟠
龍繡虎紋清似釣舟聞夜雨壯如軍壘發秋聲助添
豪傑英雄氣感動忠臣烈士心短舞長歌思妙曲高

山流水待知音當塲告稟知音者忙裏偷閒試一聽
竊聞誦詩讀書要如今古撫琴彈劍須待賞音昔者太
極初分鴻濛始判有大聖人盤古出世能明天地之道
達陰陽之變為三才首君自後三皇五帝世代相傳按
史記盤古之後有天地人三皇春秋元命苞曰開闢以
來至春秋魯哀公十四年獲麟之歲凡一百二十六萬
七千年分為十紀索隱曰凡三百二十七萬六千年分
為十紀雖有參差大槩是世遠不能詳考不必細推但
要知所謂十紀者

九頭紀 五龍紀 攝提紀 合雒紀 連通紀

敘命紀 循蜚紀 因提紀 禪通紀 疏仡紀

彈詞註卷一

自人皇氏至敘命氏凡八十三君又一書云一百八十

三君十紀之最著有所謂

有巢氏 燧人氏 伏羲氏 女媧氏 柏皇氏

中央氏 大庭氏 栗陸氏 驪連氏 渾沌氏

赫胥氏 尊盧氏 吳英氏 朱襄氏 葛天氏

陰康氏 無懷氏 共工氏 神農氏 有熊氏

此等皆係上古世稱伏羲為太昊在位一百一十五年神農為炎

帝在位一百四十年軒轅為黃帝在位一百一十五年謂之三皇繼之以少

昊在位八十年顓頊在位七十八年高辛在位七十年唐堯在位七十二年虞舜

在位四十八年謂之五帝

瓚按雙湖胡氏曰三皇之號昉於周禮外中掌三皇五帝之書而不指其名漢孔安國書序始以伏羲神

農黃帝為三皇少昊顓頊高辛堯舜為五帝不知果何所本至宋五峯胡氏直齋以孔子易大傳以伏羲神農黃帝堯舜為五帝不備傳而信經其論始定謂上南軒著資治通鑑前編首列三皇五帝辨疑亦本之易參之胡氏以定五帝之世則三皇即天皇地皇人皇之號五帝之名當以伏羲神農黃帝堯舜為是
胡一桂字廷芳婺源人號雙湖先生孔安國字子固作書傳漢諫議大夫宋追封曲阜伯胡宏字仁仲胡安國字子稱五峯先生

三皇五帝始有文字相傳堯讓舜舜讓禹那時知有義讓不知有爭莊子曰君如標枝民如野鹿風俗淳美敦樸此後禹傳家湯放桀武王伐紂所以干戈競起詭詐日生自此五霸爭強以至春秋列國互相吞併千有餘年按元會運世圖云邵子以自有天地至於窮盡謂之八百年盤古三皇正一元一元有十二會一會有一萬會星一度該四萬五千餘年正唐堯起甲辰時也夏

彈詞註卷一

三

禹王治世先天六會已過時當午會陽極陰生所以治日常少亂日常多應後天六會也至於七國爭雄強秦獨霸楚漢爭鋒王莽篡朝奸雄逞志陰盛陽衰之氣候雖有聖人復起無可奈何後來光武中興三分割據五胡雲擾六代瓜分南北相吞隋唐混一流傳五代粉碎中原宋太祖纔得削平又有遼金西夏虎狼蛇蝎展轉相吞直至元朝暫時寧帖上下十九史按夏禹八年甲子至今洪武十七年甲子凡三千六百年夏商周三代共占一千九百年中間自魯隱公元年己未入春秋至哀公十四年庚申凡二百四十二年哀公十五年辛酉至周烈王二十三年戊寅入通鑑至五代之末己未共

一千三百六十二年宋太祖另起不在通鑑者又四百年至元末中間賢愚不等善惡不同是幾箇一場創業開基幾箇一場龍爭虎鬪誰弱誰強誰是誰非恰似一枕南柯都打入漁樵話裏今將歷代史書大略編成一段攢十字詩詞雖然言語粗疎僅可略知大槩少資談論以奉知音

盤古生一出世初分天地

相傳首出御世者曰盤古氏生於大荒莫知其始明天地之道達陰陽之理是為三才首君周靜軒曰盤古氏出由是天地始為天地

人物始為人物而混茫開矣
瑣按鍾伯敬補輯捷錄亦主周說謂盤古始分天地人物近日朱青巖綱鑑輯畧云盤古之時庶類漸繁設無統御何成世道盤古首出而明天尊地卑之義以君臨天下故俗傳曰盤古分天地不兼言分人物

彈詞註卷一

四

雖與周說不同然萬世君道之立自盤古始語不荒唐此較近理

至三皇傳五帝漸剖乾坤

盤古既立君臣之道自此而聖作物者至三皇傳五帝而氣運日開文明日啓 三皇五帝名號註見前

天皇氏定于支陰陽始判

天皇取天開於子之義一姓十三人始制于支之名十干曰開逢甲旃蒙乙柔兆丙疆圍丁著雍戊屠維巳上章庚重光辛元黓壬路陽癸十支曰因敦子赤奮若丑攝提格寅單闕卯執徐辰大淵獻亥其歲紀以攝提為首以定歲之所在而陰陽始判 闕音謁黓音亦詳音莊涿音吞噩音岳

地皇氏明氣候序列三辰

地皇取地闕於丑之義一姓十一人爰定日月星三辰分晝夜以三十日為一月十一月為冬至鈞旋轂

轉周而復始

人皇氏相山川君臣定位

人皇取人生於寅之義一姓九人相厥山川分為九區主不虛王臣不虛貴政教君臣所自起飲食男女

有巢氏辨人獸物類區分

太古之民穴居野處與物相友迨後爪牙角毒物始為敵有巢氏構木為巢教民居之以避其害飲禽獸之血而茹其毛取其皮以蔽前後

燧人氏治熟食鑽燧取火

民未知熟食燧人氏作觀星辰而察五行知空有火麗木則明於是始鑽木取火別五木以改火春取榆柳之火夏取棗杏之火夏季取桑柘之火秋取柞楮之火冬取槐檀之火教民烹飪免腥臊而民利之

女媧氏補蒼天復立崑崙

共工氏與祝融氏戰不勝而怒乃頭觸不周山崩天柱折地維缺女媧氏鍊五色石以補蒼天闕斷鰲足

彈詞註卷一

五

以立四極淮南子注云天不足西北故補之天廢傾以鰲足柱之十洲記云崑崙在西北故補之天廢傾

地去岸十三萬里山高平地三萬六千里出日月之上乃天地之根紐也神異經云崑崙有銅柱其高入

天所謂天柱也圍三千里圓周如削銅柱下有迴屋焉辟方百丈郭璞贊曰崑崙月精水之靈府惟帝下

都西荒之宇巖然中峙號曰天柱此共工名康回非堯時共工也今鄖陽府竹山縣有女媧山相傳煉

石補天處郭璞字景純聞喜人得青囊書九卷洞知五行天文卜筮之術晉元帝以為著作郎

瓚按共工氏身即長大安能頭觸山崩況山海經云崑崙之西北不周即崩安能並崑崙之不周是不周山在

耶荒唐甚矣又按羅氏路史謂外紀載煉石補天非真有是事也是時共工傲亂天常肆殃下土女媧戮

共工以祛害都於中皇之山是謂女皇本紀謂其功高而充三皇地平成不改舊物則其復天常而奠

地維其功大矣後人頌之謂之補天猶所謂旋乾轉坤補浴哉宋羅泌字長源廬陵人有路史行世

有名號泯相承循蜚疏乞

循蜚疏佐十紀中之二紀名也循蜚紀自鍾靈氏至次民氏雖世次可紀而事不經見疏佐紀則自黃帝於周

說赫胥談粟陸槩出傳聞

赫胥粟陸禪通紀中之二氏也赫胥之世人居不知所為行不知所之粟陸傲復自用其臣東里子諫而被殺天下叛貳粟陸遂亡十紀自五龍紀五氏至疏佐紀帝摯皆出荒史故謂傳聞

紀年數云三百二十七萬

自天地開闢至魯哀公十四年凡三百二十六萬七千年分為十紀

掌世界共一百八十餘君

自九頭紀至敘命紀共一百八十三君

伏羲氏木德王始畫八卦

伏羲生於成紀以木德王故風姓時有龍馬負圖出河其文後一六前二七左三八右四九中五十帝仰

彈詞註卷一

六

觀象於天俯觀法於地中觀萬物之情始畫八卦卦有三爻因而重之為卦六十有四以通神明之德而卜筮從此生焉索隱曰木德春令故易稱帝出於震月令孟春其帝太昊是也成紀地名漢置成紀縣今省入秦州屬鞏昌府

通婚姻制琴瑟禮樂繇興

上古男女無別帝始制嫁娶以儷皮為禮正姓氏通媒妁以重人倫民始不瀆而禮由是興又斲桐為琴繩絲為絃絃二十有七絙桑為三十六絃之瑟而樂由是興

造書契代結繩命臣蒼頡

天雨粟鬼夜哭鑿破蒙荒

上古未有文字大事則大結其繩小事則小結其繩以記之帝造書契刻木畫字以代結繩之政書制有六一曰象形二曰假借三曰指事四曰會意五曰轉註六曰諧聲使天下義理必歸文字天下文字必歸六書是時天雨粟鬼夜哭

瑣按伏羲造書契則畫卦時已有文字何先儒乃謂有畫而無文也外紀以青文蒼帝受之掌指而創文字蒼頡時靈龜負書丹甲書文蒼帝受之掌指而創文字字鬼爲夜哭又謂黃帝命蒼頡爲左史頡見鳥獸蹄迹之跡體類象形而制字字爲六義升菴以蒼頡爲伏羲臣俱不可考王充嘗辨雨粟鬼哭之妄云蒼頡制文字天地出圖書乃聖明之瑞何非何惡而鬼爲之哭漢書緯書云乃兔夜哭憂其毫將爲筆也 蒼頡南樂人 有四月

神農氏火紀官教民耒耜

古之王者易代改號取法五行更旺相生太昊首以木德王神農以火德王故曰炎帝神農氏帝以火紀官春官爲大火夏官爲萑火秋官爲西火冬官爲北火中官爲中火古者民茹草木之實食禽獸之肉未知耕稼帝乃因天時相地宜擇五穀而農事興焉 爲耜耨木爲耒始教民藝五穀而農事興焉

作方書嘗百草救濟生靈

帝徧味草木察其寒溫平熱之性辨其君臣佐使之義嘗一日而遇七十毒神而化之作方書以療民疾

彈詞註卷一

七

咨於岐伯作內經命俞跗岐伯雷公察明堂究息脉巫彭桐君處方餌由是民無夭札而醫道立焉

軒轅氏制舟車阪泉三戰

帝姓公孫國於有熊生於軒轅之邱因名軒轅始制器用命共鼉化狐剝木爲舟剝木爲楫以濟不通邑遠而天下利矣神農氏衰諸侯相侵伐炎帝榆罔不能制軒轅習用干戈以征不享諸侯咸來賓從榆罔欲侵陵諸侯軒轅修德振兵以與榆罔戰於阪泉之野三戰然後得其志 阪泉地名今延慶州有阪山云軒轅戰阪泉處軒轅邱在開封府新鄭縣有熊即

鄭新

瑣按史稱軒轅與榆罔阪泉三戰當時蚩尤攻榆罔於空桑軒轅徵師以誅蚩尤若又與榆罔戰則猶是蚩尤矣且炎帝是時避蚩尤之攻遜居涿鹿亦安能侵陵諸侯乎史載軒轅誅蚩尤還天下諸侯共尊爲天子以代神農氏因其有土德之瑞故號曰黃帝使三戰而後得志是以兵力取天下尚得爲五帝之世耶

擒蚩尤涿鹿野妖霧開昏

蚩尤炎帝之裔作刀戟大弩攻榆罔於空桑榆罔遜居涿鹿軒轅乃徵師諸侯與蚩尤戰蚩尤作大霧軍士皆迷軒轅作指南車以示四方遂擒殺蚩尤於涿鹿 指南車車上有樓刻仙人於上車雖迴轉手常指南或曰車上用子午盤針以定四方 蚩尤塚在東平州常有赤氣出名蚩尤旗涿鹿今順天府涿州空桑地名今開封府陳留縣

命大撓及容成曆編甲子

帝立星官命大撓占斗綱所建以十千配十二支作為六十甲子相配以名日而定之以納音又命容成作蓋天著周天曆度作調曆以建寅正月為歲首復迎日推策作十六神曆積邪分以置閏於是時惠而辰從矣 蓋天即渾天儀也 邪音餘

制冕裳造算數律建伶倫

帝始作冕垂流充鑿為元衣黃裳以象天地之正色旁觀翬翟草木之華染畫五采為文章以表貴賤命

彈詞註卷一

八

隸首作算數定數以率其羨要其會而律度衡量由是成也又命伶倫取竹於嶰谿之谷長九寸圍九分而吹之為黃鐘之宮又制十二管以象鳳凰之鳴而別十二律其雄鳴為六雌鳴亦六以比黃鐘之宮生六律六呂候氣之應以主宮商角徵羽之聲 算數九章算法也律律呂也陽六為律陰六為呂黃鐘太簇姑洗蕤賓夸則無射陽聲也大呂夾鐘仲呂林鐘南呂應鐘陰聲也嶰谿在崑崙山北 聲音揮

金天氏誕星虹諸祥畢至

金天氏姓已名摯黃帝之子元囂也帝以金德王位在西方象曉日之明故號少昊金天氏母曰嫫祖感大星如虹下臨華渚而生帝即位後五鳳適至元鳥遺書長庚輝日后止錫符諸祥之物畢至

九黎亂巫史起恐動人神

少昊氏衰黎氏九侯亂德民神謀搆不可方物家為巫史無有要質民瀆於祀禍災荐臻瑣按少昊乃一代之通稱後世始衰非少昊金天帝之世即衰也

顓頊氏命五官無為而治

顓頊姬姓以水德綿金天氏改初國高陽名顓頊故
號顓頊高陽氏帝以少昊之子重為木正曰勾芒該
為金正曰蓐收修及熙相代為水正曰元冥以炎帝
之子為土正曰句龍帝之孫黎為火正曰祝融是時
九黎之亂既革神人不禱物序民安帝無為而治焉
張晏曰高陽高辛皆因受封所興之地為氏顓頊
帝嚳皆以名為號上古質樸故也高陽縣名今屬保
定府古跡有高陽城顓頊所築今開封府杞縣亦有
高陽城乃高陽氏封也
字子傳中山人著有西漢音釋四十卷

高辛氏有四后俱產奇兒

帝嚳高辛氏姬姓名爰受封於辛故號高辛氏帝有
四后元后有邠氏女曰姜嫄生棄其後為周次妃有
城氏女曰簡狄生契其後為商三妃陳鋒氏女曰慶
都生堯是為陶唐氏四妃姬訾氏女曰常儀生摯帝
崩子摯嗣立
爰音親姬音疽

唐堯氏智如神存心天下

帝姬姓帝嚳之子帝摯之弟年十三受封於陶年十
五復封於唐為唐侯故號陶唐氏摯尸位九年而廢

彈詞註卷一

九

諸侯尊弟放勳踐位平陽以火德王家語曰陶唐帝
其仁如天其智如神就之如日望之如雲說苑曰帝
存心於天下加志於窮民
陶唐

今太原府清源縣東南有陶唐城

瓚按太史公以放勳重華文命書堯舜禹之名孔安
國皆稱述功德之詞至馬融諸儒乃以堯舜禹為謚
謬矣應以安國之說為是
蔡沉字仲默元定子作

書傳從
祀孔廟

命羲和欽曆象觀覽星辰

帝不忘重黎之舊使其後復典之是謂羲和氏命以
欽若昊天曆象日月星辰分為四序敬授人時羲仲
居嵎理東作以殷仲春羲叔居南交理南訛以正
夏至和仲居昧谷理西成以殷仲秋和叔居朔方理
朝易以正冬至既巳四時推候皆合矣積一期而成
有餘度歲有餘日於是又置閏法以閏月定四時成
歲
嵎夸南交昧谷朔方四至極之
地蓋官在國都而測候之所在四方也

殺契偷斲修蛇庭生冀莢

帝時十日並出焦禾殺稼又有大風猥偷封穉修蛇皆為民害帝使羿繳大風於青邱之澤上射十日下射猥偷斷修蛇於洞庭擒封穉於桑林時有草生於庭曰莫莢十五日前日生一葉十五日後日落一葉月小盡則一葉厭而不落觀之可以知旬朔又名曆草一猥偷獸也封穉大豕修蛇長蛇也大風風伯也青邱澤名在青州府樂安縣境內

齊景公敗於青邱即此 瑣按趙雪航曰堯時豈有十日焦禾之妖况日在天離地萬里離千鈞之力豈能射及萬里之日乎且日火也雖中安能滅之蓋淮南王與賓客方士作內外書此言出於外書鴻烈解作史者收於外紀荒唐之

訪異位揚側陋釐降娥英

帝以年老丹朱罵詆不可授以天下乃授許由由不受乃訪異位之人於四岳曰明明揚側陋岳曰有鯀在下曰虞舜帝曰我其試哉乃釐降二女娥皇女英於瀉汭嬪於虞 瀉汭水在今蒲州源出歷山下流入於河 許由字武仲登封人瀉音規洩音芮水南流者為瀉北流者為汭東西相距二百里合流入黃

彈詞註卷一

河

虞舜氏起歷山躬行孝弟

舜生於姚墟居於瀉汭虞其有國之號故號有虞氏母握登氏死繼母生弟象父瞽瞍頑母弟傲嘗欲殺舜舜克盡孝弟之道年二十以孝聞耕於歷山人皆讓畔漁於雷澤人皆讓居陶於河濱器不苦窳一年所居成聚二年成邑三年成都三十乃登庸 姚墟在東昌府濮州歷山山西平陽府蒲州有歷山又山東東昌府濮州亦有歷山為舜耕處舊有廟碑磬尚存以濮州歷山為是雷澤蒲州首陽山下有雷澤又山東兗州府曹州亦有雷澤史記謂舜漁於此亦當以曹州為是又曹州定陶西南有陶邱亭相傳為舜陶處

罪四凶登元愷覲獄歸仁

帝鴻氏子曰渚沌是為驩兜少昊氏子曰窮奇是為共工顓頊氏子曰檮杌是為鯀縉雲氏子曰饕餮是謂三苗謂之四凶舜放驩兜於崇山流共工於幽州殛鯀於羽山窳三苗於三危四罪而天下咸服高陽

氏有才子八人蒼舒贖數禱戴大臨龐降庭堅仲容
叔達天下謂之八愷高辛氏有才子八人伯奮仲堪
叔獻季仲伯虎仲熊叔豹季鯉天下謂之八元此十
六族世濟其美舜舉八愷使主后土舉八元使敷五
教天下咸服其明及堯崩舜避堯子於南河之南天
下朝覲訟獄者不之丹朱而舜歸於格於文祖
即帝位 崇山南裔今岳州府慈利縣幽州北裔今
奉天府遼陽地羽山東裔今淮安府贛榆縣三危西
裔今陝西肅州衛有三危山
饗餐音沿鐵散艾平聲戴音引

彈五絃歌南風阜財解悞

舜恭已無為彈五絃之琴歌南風之詩而天下治其
詩曰南風之薰兮可以解吾民之愠兮南風之時兮
可以阜吾民之財兮 絃絲屬長三尺三寸六分先刺五絃後加文武二絃為七絃

躬巡狩崩蒼梧禹避陽城

舜薦禹於天命禹攝政總師舜南巡狩崩於蒼梧之
野禹避舜之子商均於陽城天下歸禹乃即位 蒼
梧山一名九嶷在永州府寧遠縣 陽城今河南府登封縣 巖音夸

彈詞譜卷

瓚按家語史記皆言舜南巡崩於蒼梧之野葬焉南
軒據孟子曰卒於鳴條謂無南巡之說舜既命禹攝
天子矣胡為又自遠巡南裔禹既宗舜矣胡為聽
其遠葬而不歸櫬於北都也應以崩鳴條為是

崇伯子蓋前愆九疇錫洛

帝堯時洪水為患堯咨四岳有能俾又四岳舉高陽
氏子伯鯀堯命為司空封鯀為崇伯使治水九載績
用弗成舜殛鯀於羽山舉禹使續父業胡氏曰禹傷
父以治水殛死故直以此自任卒之建立偉績克蓋
前愆前編曰禹非惟克勤於邦以為忠而補前人之
愆以濟天下乃所以為大孝也時神龜出洛負文列
於背有數自一至九禹因而第之以成九類關子明
曰洛書之文九前一後三左七右四前左二前右八
後左六後右 洛水一名洛汭在河

南府城南經偃師宜陽永寧鞏縣界

積按圖書俱出伏羲之世至禹時又因神龜負文
而衍其義為九章大法非至禹時而洛書始出也

奠山川作貢賦天地平成

禹平水土奠高山大川水患既息任土作
貢成賦中邦於是地平天成錫圭告成

懸鐘鼓置鐸鞀下車泣罪

禹以五音聽治懸鼓鐘磬鐸鞀以待四方之士曰導以道者擊鼓諭以義者擊鐘告以事者振鐸啓以憂者擊磬有訟獄者搖鞀出見罪人下車問而泣之左右曰罪人不順道何為痛之禹曰堯舜之人皆以堯舜之心為心寡人為君百姓各自以其心為心是以痛之

鑄九鼎象方物天雨黃金

左傳王孫滿曰昔夏之方有德也遠方圖物貢金九牧鑄鼎象物而為之備使民知神姦胡氏曰左氏以為鼎者圖象百物而為之備誣矣禹所鑄者別九州之分野差田土之高下定貢賦之式度立井田封建之經界鑄於鼎以為萬世準耳贊寧要言曰禹鼎不止圖山川猛鷲之物每州民戶暨地里寬狹皆可也故得九鼎知九州戶籍圖書所以歷代寶之歟是時天雨黃金三日璜按後世銘功鐘鼎之象義本乎此

龍負舟一死生蠓蚘齊視

彈詞註卷一
禹濟江黃龍負舟舟中人懼禹仰天歎曰吾受命於天竭力以勞萬民生寄也死歸也予何憂於龍視龍猶蠓蚘顏色不變須臾龍俛首低尾而去在壁曰蠓蚘草上曰蜥蜴江水出今茂州岷山合漢入海

集會稽戮防風萬國咸寧

禹即位後會諸侯於塗山承唐虞之盛執玉帛者萬國後八歲會諸侯計功於越命曰會稽防風氏後至禹戮之禹崩於會稽因葬焉會稽縣屬今紹興府防風氏國今湖州府武康縣塗山今鳳陽府

堯讓舜舜讓禹相傳有道

堯舜禹以天下相讓禪蓋聖人大公無我惟有道者傳之耳

為生靈輸苦役非戀尊榮

堯舜禹以愛天下為心無所繫念於其間所謂五帝公天下也

從此後禹傳家子承父業

啓賢能敬承繼禹之道故禹以天下傳之子

夏商周相倣倣直到如今

所謂三王家天下也
三代至今皆傳子矣

夏后氏四百年一十七帝

夏自禹至桀凡一十七主
共天下四百五十八年

殷湯氏三十帝六百餘春

湯建國號曰商後盤庚改為殷自湯至
紂凡三十主共天下六百四十四年

成周氏八百年三十七世

周自武至赧王凡三十七主
共天下八百六十七年

九州中諸列國併入強秦

周室既衰七雄各霸秦始皇
滅二周而吞六國遂有天下

秦無道十五年止傳二世

彈詞每卷一

秦始皇十二
年二世三年

六國人併楚漢起義爭衡

燕韓趙魏齊楚為六國又楚
項羽漢劉邦俱起兵攻秦

漢高祖定江山一十三帝

高祖平秦滅楚而定天下傳至
孺子嬰凡十三主是為西漢

二百年遭王莽篡國酈君

西漢共天下二百一十年王莽酈
平帝弑孺子嬰篡位一十八年

漢光武復中興一十二帝

光武誅莽中興傳至獻
帝凡十二主是為東漢

二百年劉備起漢室三分

東漢共天下一百九十五年獻帝崩昭
烈帝在西蜀天下三分

三國志亂紛紛五十餘載

蜀魏吳為三國蜀漢正統四十三年漢亡又十六年吳亡武帝時陳壽撰三國志魏志三十卷蜀志十五卷吳志二十卷陳壽字承祚巴西安漢人

漢歸曹吳入晉取次銷沉

漢降於曹曹禪於晉晉又滅吳而天下始盡歸於晉

司馬晉五十年五胡大亂

晉自司馬炎有天下傳至愍帝凡四主共五十三年是為西晉其時五胡擾亂懷愍先後蒙塵五胡者鮮卑匈奴氐羌羯五等胡人也
氏音邸又音低羌音腔羯音結

走江東承舊統百歲雲奔

西晉亡司馬睿渡江即位傳至恭帝凡十一主共一百零四年是為東晉

南北朝兩相持不能混一

彈詞註卷一

宋齊梁後梁陳為南朝元魏西魏東魏北齊後周為北朝

氣相吞力廝併一百餘春

南北兩朝共一百六十九年

宋齊梁陳俱都江左

宋劉裕篡晉傳八主六十年齊蕭道成篡宋傳七主二十四年梁蕭衍篡齊傳四主五十六年陳陳霸先篡梁傳五主三十三年俱都金陵又後梁蕭晉稱帝江陵傳三主三十年隋滅之金陵今江南江寧府上元縣江陵縣

荊州府江陵縣

索頭魏分齊周北地稱尊

元魏拓拔珪匈奴索頭沙漠汗之後傳十六主一百六十年孝武時高歡奉靜帝居鄴都為東魏宇文泰奉文帝都長安為西魏後歡子洋奪東魏為北齊泰子覺奪西魏為後周北齊傳五主二十六年後周傳五主二十八年索頭鮮卑別部也姓拓拔氏其俗以索頭為國號索頭都今河南彰德府臨漳縣長安

今陝西西安府長安縣

周併齊隋篡周平陳一統

周武帝滅齊隋楊堅篡周又南平陳後主而天下一統盡歸於隋矣

四十年彈指過海內風塵

隋自楊堅傳至恭帝凡三主三十八年

唐高祖立根基二十一帝

唐李淵受隋禪而有天下傳至哀帝凡二十一主

三百年捱不到付與朱温

唐共二百八十九年為朱温所滅

朱温起號梁朝歸於李氏

後梁朱温共十六年為唐李存勗所滅

彈詞註卷一

李唐亡石晉繼劉漢相承

唐李存勗前後四主共十四年為晉石敬瑭所篡晉兩主共十一年為北番所擄晉臣劉智遠乘晉滅稱

帝為漢父子共四年

郭氏周緊相連通稱五代

後周郭威滅漢無嗣傳妻兄子柴榮凡三主二姓共十年合梁唐晉漢周謂之五代

五十年十三帝流水浮雲

五代起梁朱温終周恭帝凡十三主共五十三年

宋太祖占中原無多日月

宋太祖趙匡胤受周禪而有天下在位十七年

西北邊遼金夏不住相爭

大遼太祖耶律阿保機傳至宣宗凡十主二百一十年大金阿骨打滅遼稱帝傳末帝凡九主一百一十年

中間又有西遼耶律大石困大遼滅而稱帝傳至天禧帝凡五主七十七年

三百載十八君汴杭閩廣

宋自太祖至帝昺凡十八主共三百一十七年都汴為北宋自高宗南渡都杭州為南宋後帝昺航海至閩廣而亡汴今河南開封府杭今浙江杭州府閩今福建福州府廣今廣東廣州府

到頭來元世祖一鼓而吞

宋亡天下歸於元矣

胡元氏併宋金中華一統

元蒙古人姓奇渥溫氏世祖忽必烈併宋平金混一南北而有天下

急慌慌忙過了九十三春

元自世祖至順帝凡十主九十三年

彈詞註卷一

廿一史笑談間從頭數遍

十六

司馬遷史記班固漢書范曄後漢書陳壽三國志唐太宗晉書沈約南宋蕭子顯南齊書姚思廉梁書陳書李百藥北齊魏收北魏令狐德棻周書魏徵隋書李延壽南史北史劉煦宋祁唐書歐陽修五代史元脫班固註見後史記漢書南宋元嘉初范曄刪衆家後漢句下班固為西漢書南宋元嘉初范曄刪衆家後漢子司議郎敬播與令狐德棻等撰晉書考證類例咸出敬播齊沈約修南宋書裴子野刪為宋略三十卷言宋史者以裴略為上沈書次之初江淹受詔為齊志沈約復著齊紀蕭子顯自表於梁武帝修齊書梁史官姚察初錄梁陳事未就而陳亡隋文帝問之察因以所議著篇成輒上奏又不克就且死屬子思廉繼其業唐貞觀中思廉表父遺言有詔聽續因採謝昺顧野王等諸書總括為梁陳二書李德林在齊預修國史創紀傳書二十卷至開皇中續撰增多至三十八篇唐貞觀初敕其子百藥仍其舊錄採他書演為北齊書五十卷初齊天保中詔魏收撰魏書收

為魏史隋開皇中詔魏徵別成魏史自道武下迄恭帝為紀及列傳合九十二篇今孤德茶為唐私書丞武德中建言唐承南北五代無正史請加撰次乃詔德茶陳叔達等共成周史唐貞觀中詔顏師古孔穎達修述隋史魏徵總其事序論皆徵作李延壽父太師嘗以宋齊梁陳同隋欲擬吳越春秋編年未就而卒延壽追終先志更依馬遷體總序八代北起魏盡隋二百四十二年南起宋盡陳一百七十年為南北二史劉煦石晉宰相也因唐常述舊史增損為帝紀二十列傳一百五十凡二百卷謂之舊唐書其書頗略不均是非失實至宋仁宗時詔歐陽修宋祁刪修唐史紀表志修主之列傳祁主之凡廢傳六十一增傳三百三十一志三表四譜之新唐書開寶中詔扈蒙與盧多遜等修梁周史史成而褒貶失真仁宗命歐陽修重加修定為五代史元元脫脫為中書右丞相詔修宋遼金三史召翰林歐陽元為總裁發凡舉例凡論贊表奏皆元屬筆明洪武中詔宋濂王禕修元史范梈字蔚宗順陽人沈約字休文武康人謚隱仕齊為步兵校尉梁武帝受禪拜尚書僕射加侍中遷丹陽尹所著有晉書百卷南宋書齊紀梁武帝紀若干卷蕭子顯字景陽李百藥字重規定州人官宋正卿魏收字伯起曲陽人北朝官僕

彈詞註卷一

射劉煦字日輝涿州歸義人宋祁字子京號小宋謚景文歐陽元字原功

是和非長共短細有評論

要知就裏分明處 細簡殘篇著意聽

滾滾龍爭虎鬪匆匆兔走烏飛席前花影坐間移百歲
光陰有幾 說古談今話本圖王霸業兵機要知成敗
是和非都在漁樵話裏 西江月

明朝有意來相訪 綠水青山別是春

成都楊 慎用修編著

漢陽張三異禹木增定

男仲璜別麓註 孫坦舍坤章校

第二段 說三代 南鄉子

攜酒上吟亭滿目江山列畫屏賺得英雄頭似雪功名
虎嘯龍吟幾戰爭 一枕夢魂驚落葉西風別換聲誰
弱誰強都罷手傷情打入漁樵話裡聽 詩曰

混沌初分氣候淳標枝野鹿看君臣三皇五帝賓天
去辛苦閻浮世上人

世上生靈作業多功名富貴反成魔常懷杞國憂天

彈詞註卷二

悶不見康衢擊壤歌仗劍提刀爭日月伏屍流血換

山河白頭釣叟秋江上笑指清鷗下碧波

詩出大才閒遣興話談今古便驚人沙金璞玉求良

匠流水高山待賞音玉在石中誰辨寶金藏沙裏未

為真淘金必索披沙揀取玉須教破璞尋琴對子期

彈雅操馬逢伯樂長千金龍光未識思雷煥奇字難

知問子雲美酒要逢知己飲好詩須向會家吟講談

盡合周公禮褒貶咸遵孔聖文斷簡殘篇藏故典冰

絃玉軫播新聞高人滿座垂清聽始信書生用意淡

適間提說歷代總要未曾開列君臣大體賢愚國運短

長流傳世次今將三皇五帝之後從夏禹傳家以至商

周二代直至戰國七雄略陳大槩

夏后氏者禹王受虞舜禪位為天子建有天下之號曰

夏在位二傳一十七帝其名曰

啓在位二 太康在位二 仲康在位十

帝相在位二 少康在位二 帝杼在位十

帝槐在位二 帝芒在位十 帝泄在位十

帝不降在位五 帝扃在位二 帝廛在位二

帝孔甲在位三 帝皐在位十 帝發在位十

帝桀在位五 放於南巢天下歸商共享國四百五十年

八年

商湯氏者代夏伐桀撫有天下在位十傳三十君其名

彈詞彙卷二

曰

外丙在位二 仲壬在位四 太甲在位三

按孟子曰湯崩外丙二年仲壬四年史記曰湯在位

十有三年而崩太丁二年仲壬四年史記曰湯在位

年湯崩時外丙方二歲仲壬方四歲太甲差長故立

之今考皇極經世史無外丙仲壬名世且通鑑編年

丁未三十祀王崩嫡孫太甲踐位戊申商王太宗太

甲元祀湯以丁未崩甲以戊申立歷數

甚明外丙仲壬之未嗣位不待辨矣

沃丁在位二 太庚在位二 小甲在位一

雍己在位一 太戊在位七 仲丁在位一

外壬在位一 河亶甲在位九 祖乙在位一

祖辛在位一 沃甲在位二 祖丁在位三

南庚在位二 陽甲在位七 盤庚在位二

小辛 在位二祀
小乙 在位二十祀
武丁 在位五十祀

祖庚 在位七祀
祖甲 在位十三祀
廩辛 在位六祀

庚丁 在位十一祀
武乙 在位四祀
太丁 在位三祀

帝乙 在位十七祀
帝辛 在位三十三祀
帝辛者紂也周師入衣

寶自焚天下歸周共享國六百四十四年

周武王者父曰文王紂時封為西伯至武王伐紂而有

天下 在位七年 傳三十七君其名曰

成王 在位三十七年
康王 在位二十六年
昭王 在位五十年

穆王 在位五十二年
共王 在位十二年
懿王 在位二十五年

孝王 在位十五年
夸王 在位十六年
厲王 在位五十年

宣王 在位十六年
幽王 在位十一年
平王 在位五十年

彈詞註卷一

桓王 在位二十三年
莊王 在位十五年
釐王 在位五年

惠王 在位十五年
襄王 在位二十三年
頃王 在位六年

匡王 在位六年
定王 在位二十一年
簡王 在位十四年

靈王 在位十七年
景王 在位二十五年
悼王 無紀

敬王 在位十四年
元王 在位六年
真定王 在位二十八年

哀王 在位三月
思王 在位五月
考王 在位十五年

威烈王 在位二十四年
安王 在位六年
烈王 在位七年

顯王 在位十八年
慎靚王 在位七年
赧王 在位十九年

共享國八百六十七年天下歸秦通計三代共一千九

百七十年

夏禹商湯周武為三代開基聖主啓賢繼禹少康中興

合商有三宗太甲為太宗太戊為中宗武丁為高宗謂之賢聖之君周自成康繼武宣王中興其餘者或長或短各有事迹今按史記寫入詞文

話說起三代君尊稱夏禹

三代夏商周也堯封禹於有夏故建有天下之號曰夏禹為夏開基聖祖夏今山西平陽府夏縣

姓姒氏乃軒轅黃帝元孫

堯賜禹姓姒氏禹黃帝軒轅氏元孫軒轅生昌意昌意生顓頊顓頊生絳生禹於燹道之石紐鄉姒詞上聲一書云禹母吞薏苡而生因姓燹音薏

其父鯀帝堯時廷推治水

堯時洪水為災四岳舉崇伯鯀可治水堯曰鯀方命圮族不可用岳曰試可乃已帝用之戒曰欽哉

為無功身得罪極死黃熊

鯀障洪水九載無功堯命舜殛於羽山人物考云極鯀投水化為黃熊因為羽淵之神

續父業任司空躬乘四載

鯀治水無功殛死舜舉禹使續父業任為司空禹傷父功不成勞身焦思居外十三年水乘舟陸乘車泥乘橈山乘欂隨山刊木奠高山大川橈音敲形如船而短小欂音菊以鐵為之形如錐長半寸施之履

下以

娶塗山呱呱泣不顧私情

禹娶塗山氏女曰嬌生子啓辛壬癸甲啓呱呱而泣禹弗子八年於外三過其門而不入嬌音驕呱呱音孤

淪濟漯排淮泗注江注海

禹疏九河淪濟漯排淮泗而注之海汝汝泗而注之淮汝漢而注之江濟水發源王屋山頂崖下名曰汝水自汝而下伏於地中及其東出二源合流始名為濟自是又伏流河中截河南出而為滎自滎而下又伏而東流東北會青州之汶水又北東而入海

出胎醫山流於桐柏山東會於淮入於海
泗水縣陪尾山經曲阜嶧陽濟寧界入於淮東流
海漢水出嶓冢東流方峽為漢又東流則隨地得名
至於漢陽府大別山入江江水發源岷山泉流至大
別與漢水會彭蠡溢出大江循南岸而行與江漢頡
頏趨海江居中曰中江漢自北岸入曰北江同入於
海

任九州作貢賦禪代爲君

初舜分天下爲十二州禹復爲冀兗青徐雍豫梁荆
揚之九州任土作貢庶土交正成賦中邦詳載禹貢
一書舜禪位於禹舜崩禹避舜之子商均於陽城天下歸禹乃即位

絕旨酒拜昌言下車泣罪

儀狄作酒禹飲而甘之曰後世必有以酒亡國者遂
疏儀狄絕旨酒人有昌言則拜之 下車泣罪註見
一段泣罪句下

敘九疇鑄九鼎鎮國安民

舜命禹敘洪範九疇敘疇語詳洪範篇九疇註
見一段錫洛句下九鼎註見一段九鼎句下

天與子啓承家兵征有扈

禹崩於會稽初禹薦益於天禹子啓賢能敬承繼禹
之道天下不歸益而歸啓曰吾君之子也啓乃即位
即釣臺以享諸侯有扈啓不服啓作甘誓吾六卿征
之大戰於甘不勝六卿請復之啓曰不可吾也非淺
民非寡也今茲不勝是吾德薄而教不善也於是班
師琴瑟不張鐘鼓弗考不因席不仍味親親長長尊
賢委能隱神朞月而有扈服遂滅之孟子曰天與子
則與子 釣臺在今河南開封府禹州嵎水之東扈
國今西安 府鄠縣

太康氏畋洛水五子歌聞

啓崩子太康立弟五人分封於衛以有窮后羿爲相
太康逸豫滅德盤遊無度畋於洛水之表羿拒之於
河不得入弟五人御其母以俟於洛之汭述禹之戒
作五子之歌一章言太康之痛故府舊章之淪喪宗
廟社稷之祀五子哀康以終之 有窮侯國名洛

沛在河南府蒙
縣洛水入河處

仲康氏討羲和陰鋤羿翼

太康尸位失國崩於陽夏太康弟仲康嗣位仲康以
羲和黨惡於羿命口侯掌六師以討之翦羿羽翼故
終仲康之世羿不敢逞也語詳書
口征 陽夏今開封府太康縣

帝相氏被寒浞弑逆亡身

仲康傳子相徙都商邱依同姓諸侯斟灌斟鄩氏羿
自遷於窮石用寒浞浞娛羿於田逢蒙殺羿而烹之
浞自立浞因羿室生澆及豷後浞使澆滅斟灌斟鄩
氏弑相 商邱縣名屬歸德府斟灌故城在青州府
壽光縣斟鄩故址在萊州府濰縣寒國名浞封此有
寒亭古蹟鄩音尋浞音足澆音臬論語作豸豷音係

少康氏滅澆豷變輿反正

初相被弑后緡方娠逃出自竇歸於有仍生少康少
康年四十一舊臣靡自有鬲氏收灌鄩之燼討浞誅
之立少康尋使臣女艾滅澆於過使太子季杼滅豷
於戈乃歸故都夏道復興 有仍國名緡后名有仍

彈詞註卷二

六

國君之女也靡夏舊臣名鬲
過戈皆國名鬲音格杼音苻

一成田一旅衆靡致中興

初少康居仍為仍牧正澆使其臣椒求之逃奔有虞
為虞庖正虞君思妻以二姚而邑諸綸有田一成有
衆一旅能布其德而兆其謀以收夏眾撫其官舊謀
中興焉卒賴舊臣靡討浞誅奉王踐位復禹舊績
夏道復興諸侯畢朝胡氏曰少康靡鬲經營四十年
然後克殄元凶祀夏配天不失舊物此真可謂中興
者矣故唐虞世南論歷代中興之主以少康為冠
方十里為成五百人為旅虞商均所封之國思虞君
名姚虞姓二女妻少康也
綸邑今平陽府榮河縣

再傳至七朝君三回甲子

少康傳七代一百四十八
年俱能帥禹以興夏道

杼槐芒泄不降以至高厲

杼少康子槐杼之子芒槐之子泄芒之
子不降泄之子高不降之子高之

帝孔甲醢雌龍崇神好鬼

孔甲不降之子厘崩孔甲嗣位時天降二龍劉累學擾龍於豢龍氏能飲食之賜氏曰御龍龍一雌死潛醢以食王王使求之懼而遷於魯大紀曰王好鬼神事肆行淫亂作破斧之歌是為東音諸侯化之夏政始衰
魯山縣 魯今汝州 醢音海

又相傳復二紀臯發因循

孔甲傳子臯在位十一年 臯傳子發在位十三年

至履癸號桀王荒淫無道

履癸發之子也是為桀力能申鐵鉤索負恃有力不務德而武傷百姓有趙梁者教桀無道勸以貪狼行淫縱樂 謚法 賊人多殺曰桀

造瓊宮寵妹喜塗炭生靈

時諸侯或不朝桀伐蒙山有施氏有施氏進女妹喜王嬖之為之為瓊宮象廊瑤臺玉牀罷民力殫民財

彈詞註卷二

七

為肉山脯林酒池糟隄縱靡靡之樂一鼓而牛飲者三千人以為戲劇諸侯韋氏顧氏昆吾氏黨桀為惡恣行亂政以虐其民 蒙山今青州府蒙陰縣

十七帝統江山子承父業

自禹至桀共一十七帝

四百年紅日落禹跡無聞

夏有天下四百五十八年桀無道關龍逢諫曰君用財若無窮殺人若不勝民惟恐君之後亡矣桀曰吾有天下猶天有日日亡吾乃亡矣囚逢而殺之書曰方行天下至於海表以陟禹之跡 龍逢安邑人

商湯氏順民心鳴條伐夏

湯名履又名天乙主癸之子契之後也時桀無道民心歸湯湯以伊尹為相尹說湯伐夏救民費昌為御與桀戰於鳴條應天順人代夏而有天下建國號曰商 鳴條在平陽府安邑縣張晏曰禹湯皆字也

祖名契姓子氏掌教明倫

湯始相名契堯封於商賜姓子比歸命
為司徒敬敷五敘
商今西安府商州

十四世乃生湯南巢放桀

契生昭明昭明傳相土昌若曹圍冥振微報丁報乙
報丙壬壬主癸生湯共十四世湯伐桀桀曰吾悔不
殺湯於夏臺及戰敗走入於三陵之國湯師妻其衆
奔南巢因放焉後三年死於亭山其子淳維妻其衆
妾通於北野隨畜轉徙號葷育逮周日獵狁漢書
奴傳曰其先伯禹苗裔蓋本此也
三陵國名今山東定陶有三陵亭南
巢今巢縣 腹音宗

禱桑林祈雨澤祝網施仁

時大旱七年太史占曰當以人禱湯曰吾請雨者為
民也若必以人吾請自當遂齋戒剪髮斷爪素車白
馬身嬰白茅以為犧牲禱於桑林之野以六事自責
曰政不節與民失職與宮室崇與女謁盛與苞苴行
與讒夫昌與言未已大雨方數千里初湯見人張網
四面祝之曰從天墜者從地出者從四方來者皆罹
吾網湯解其三面更祝曰欲左者左欲右者右欲高
者高欲下者下不用命者入吾網漢南諸侯聞之曰
彈詞註卷二

發莊山金鑄幣賑民困乏

湯德至矣仁及禽獸歸之者四十餘國南軒曰史
記有剪髮斷爪身為犧牲之說夫以湯為民籲天之
誠自能格天致雨何至信其人禱之說而毀其爪髮
乎或出野史謬談不可信也桑林在鳳陽府亳州一
云在澤州陽城縣世傳
湯禱雨於此至今多桑

懷萬邦新其德自勒盤銘

伊尹言於湯發莊山之金鑄幣賑民救
民之無食賣子者民始不困 幣錢也
湯伐桀有慙德左相仲虺作誥以釋之曰德日新
萬邦惟懷湯之盤銘曰苟日新日日新又日新

舉伊尹任阿衡扶持太甲

湯在位十三年崩太子太丁早卒立太丁之子太甲
任伊尹為阿衡尹奉嗣王祇見厥祖百官總已以聽
於冢宰 伊尹力牧之後居伊
水故曰伊 伊尹名摯陳留人

放桐宮三載後允德修身

太甲既立敗度敗囂
放之桐宮曰密通先王其訓無俾世迷王居桐宮三年自怨自艾處仁遷義尹以冕服奉之歸亳王允德修身諸侯咸歸
縣亳今河南偃
師縣湯所都也
桐宮即桐鄉城今在平陽府曲沃

伊復政將告歸敬陳一德

尹復政於王將告歸恐王德不一任用非人作威有一德

主善師綏先祿永底民生

尹訓王曰德無常師主善為師又曰克綏先王之祿永底蒸民之生

傳五世有賢君中興太戊

太甲傳子沃丁沃丁傳弟太庚太庚傳子小甲小甲傳弟雍已是時商道衰微諸侯不朝雍已傳弟太戊五世太戊以伊尹子陟與臣扈為相巫咸夏邑人佐之修成湯之政商道中興

德勝妖祥桑死帝道重興

彈詞註卷二

九

亳有祥桑穀共生於朝一暮大拱王懼問陟陟曰臣聞妖不勝德於是大修先王之政早朝晏罷問疾弔喪三日而祥桑枯死三年遠方重譚而至者七十六國桑穀二木名祥妖也穀音構樹名皮可為紙王義之傳云禿千兔之翰聚無一毫之筋窮萬穀之皮斂無半分之骨若從禾為穀音谷從米為穀音叨

黃河濫徙其民因循九代

太戊傳子仲丁仲丁傳弟外壬外壬傳弟河亶甲河亶甲傳子祖乙祖乙傳子祖辛祖辛傳弟沃甲沃甲傳祖辛子祖丁祖丁傳沃甲子南庚南庚傳祖丁子陽甲自仲丁至陽甲凡九代因亳有河決之害仲丁遷都於囂河亶甲徙都於相祖乙徙都於耿復徙都於邢自仲丁以來諸弟子爭立惟相今彰復徙都商道復興囂今開封府河陰縣相今彰復徙都陽縣耿今平陽府河津縣邢今順德府邢臺縣

至盤庚還舊境改國稱殷

盤庚陽甲之弟時耿都河決王作書告諭臣民復遷於亳從湯所都改商曰殷

天輔助後三朝武丁恭默

盤庚鼎傳弟小辛時遷後蒙小辛時葬於武丁乙卯
復與自小辛至
武丁凡三朝

夢賢臣調鼎鼎作楫為霖

武丁既免喪猶弗言羣臣咸諫王夢帝賚良弼使人
以形旁求於天下說為胥靡築於傅巖惟肖命以為
相曰若作和羹爾為鹽梅又曰若濟巨川用汝作舟
楫若歲大旱用汝作霖雨 傅巖在平陽府平陸縣

平陸人
傳說

舊講學師甘盤交修不怠

王命說曰予小子舊學於甘
盤又曰汝交修予罔予棄

敬其親豐禰廟彤日雉鳴

王祭湯廟及彤日有飛雉升鼎耳而雉祖已訓諸王
王內反諸己以思王道三祀蠻夷編髮重譯來朝者
六國 彤祭之明日又祭名呂東萊曰高宗祭成湯
而有飛雉之變蓋高宗恭默思道德與天合故於祭

彈詞註卷二

祀略有過厚飛雉隨而應之此雖高宗
近厚之過過於厚亦過也 彤音容

至武乙鬪天神雷霆殞命

武丁傳子祖庚祖庚傳弟祖甲祖甲傳子庚丁庚丁
傳子武乙王無道為木偶人謂之天神與之博令人
為行天神不勝乃侮辱之為革囊盛血仰而射
之命曰射天後出畋獵於河渭之間暴雷震死

兩三朝無德行國勢頽傾

武乙傳子太丁太丁
傳子帝乙商道益衰

末主紂害生靈飾非拒諫

紂帝乙子名受又名辛資辨敏捷才力過人言足飾
非智足拒諫大聚樂戲於沙邱為長夜之飲又割孕
婦視其胎斲朝涉之脛視其髓茶毒生靈有炮烙之
法商祚至紂而終是為末主 沙邱臺在邢州平鄉

東北二
十里

縱奢淫寵妲己剖炙賢臣

紂伐有餘氏獲其女妲己妲己之音北里用之舞靡靡
巧以悅之使師延作朝歌北鄙之音北里用之舞靡靡
之樂又為酒池肉林男女裸體相逐九侯進女於王
女不喜淫王殺之醢九侯鄂侯爭之並脯鄂侯後比
干強諫王怒曰吾聞聖人心有七竅遂剖
比干觀其心 朝歌紂都今衛輝府淇縣

鉅橋粟鹿臺財適資敵國

紂造鹿臺為瓊室臺廣三里高千尺十年乃成厚賦
稅以實鹿臺之財盈鉅橋之粟燎焚天下之財罷若
萬民之力後周伐紂散財發粟 鉅
橋倉名鹿臺臺名故址俱在淇縣

徒倒戈血漂杵衣寶焚身

周西伯伐紂紂師前徒倒戈反自攻其後血
流漂杵紂走登鹿臺之上衣珠玉自焚而死

三十世六百年成湯世界

自湯至紂凡三十君共六百四十
四年 以湯武功成故曰成湯

二老避三仁去麥秀歌聞

彈詞註卷一

十一

初紂無道呂尚避紂東海伯夸避紂北海聞西伯善
養老往歸之王庶兄微子去之諸父太師箕子佯狂
為奴少師比干諫而死孔子曰殷有三仁焉後周封
箕子於朝鮮箕子來朝過殷墟傷故都毀地作麥秀
之詞曰麥秀蘄蘄兮黍稷油油彼狡童兮不與我好
兮殷民聞之莫不流涕 微子名啓箕子名胥餘微
箕采邑名 呂尚姓姜號子牙其先祖封於呂尚其
苗裔也伯夸姓墨名允字公信謚曰夸叔其弟也名
智字公達謚曰齊蘄音
尖謚法克定禍亂曰武

周武王尊太公興兵伐紂

武王名發初呂尚釣於渭水之陽文王過之曰吾先
君太公望子久矣故號曰太公望武王以尚為師謂
之尚父聞紂暴虐滋甚乃徧告諸侯與兵東伐 右
公去齒邑於岐山之下始改國號曰周今鳳翔府西
五十里是為岐周謂
陽在鳳翔府寶雞縣

致其先姓姬氏上古賢人

初堯封棄於郟賜姓姬氏為周
始祖 郟今西安府武功縣

封后稷相唐虞教民耕種

棄封邠號曰后稷舜曰棄黎民阻飢汝后稷播時百穀按易大傳曰神農氏作斲木為耜揉木為耒以教天下則耕種之利其來久矣書曰播時百穀詩稱誕降嘉種貽我來牟則百穀之備自稷始也趙過曰后稷始畝田則畝壟之法自稷始也晉董史曰辰以成善后稷是相則農時之節自稷始也

篤公劉傳太王王季其勤

后稷三傳為公劉公劉九傳為古公亶父古公生季歷書曰太王肇基王迹王季其勤王家篤公劉周

詩篇名

文王昌羸里囚演成周易

文王名昌季歷生昌初為西伯紂以崇侯虎之讖囚文王於羸里文王曰吾惟明天人之道以順受之耳因取庖義氏八卦重為六十四卦次序演之作象辭垂世立教而筮吉凶焉前編曰太史公本紀謂西伯囚羸里益易之八卦為六十四卦其意謂伏羲止有八卦也然大傳明言八卦成列象在其中矣因而

彈詞註卷二

三

重之爻在其中矣是庖義已重為六十四卦矣按伏羲畫卦蓋有圖而無書有占而無文文王難羸里樂天憂世於是演而為易移先天之體為後天之用翻六十四卦變易之象而繫吉凶利否之辭其位則探河圖生成之位為後天入用之位其辭則或取之體或取之二象或取之二中或取之主爻或取之變卦或取之成卦之義丁寧告戒以前民用聖人之憂患後世於是為至羸里城故址在彰德府湯陰縣

賜弓矢專征伐虞芮停爭

周臣散宜生闕天謀救文王乃求有莘氏美女及珍寶良馬因殷嬖臣費仲獻紂紂悅曰此一物足釋西伯矣乃釋之賜弓矢鉞使專征伐虞芮之君爭田久而不決乃相與朝周入其境耕者讓畔行者讓路入其邑男女異路斑白不提挈入其朝士讓為大夫大夫讓為卿二國之君相謂曰我等小人不可以履君子之庭乃讓田而退虞今平陸縣芮今芮城縣俱屬平陽府

武王發十三年孟津大會

武王繼爲西伯於殿二十祀矣武王稟示天命退
期而會者八百國皆謂紂可伐矣武王三年冬月諸侯
共推伐商武王乃大會於孟津作泰誓三篇以誓師
孟津在河南府今
縣名 武王名發

一戎衣陳牧野不用刀兵

武王陳兵牧野紂旅如林幾億萬人倒戈向後武王
兵不血刃獨夫受誅所謂一戎衣而有天下也 牧
野地名在衛
輝府城南

釋箕子封比干反商舊政

武王克商後命召公釋箕子囚命閔天封比干墓反
商紂政由湯舊政 比干墓在衛輝府城北墓前有
碣題殷比干墓
字乃宣聖手書

式商容儻飛廉弔問窮民

商容殷賢人紂所貶退武王式其閭命畢公表之飛
廉助紂爲惡驅於海隅而儻之復命南宮适散財發
粟以賑
費窮民

彈詞註卷二

三

作旅葵卻珍奇蠻夷通道

王威德遠暢通道於九夸八蠻西旅底貢厥葵召公
以非常貢物易啓玩好作書名旅葵訓王曰珍禽奇
獸不育於國不寶
遠物則遠人格

陳洪範訪朝鮮造請賢人

先是禹治水功成神龜負書出洛禹因別爲九疇箕
子推行增益以成篇武王訪於箕子箕子陳洪範一
篇箕子不欲臣周亡於朝鮮武王遂
以封之 朝鮮今國名在遠東外徼

周公旦輔成王居東避位

武王崩子成王名誦年十三即位王諱闡周公名旦
文王第 四子以叔父負扆攝政管叔及羣弟流言曰
公將不利於孺子周公遂避位居東都 康之狀縱
廣八尺畫爲斧形今之屏風其遺像也 謚法安民

立政

大雷電未盡偃天發金滕

周公居東逾年王知罪在管蔡是年秋大熟未獲天大雷電以風未盡偃大木斯拔邦人大恐王與大夫盡弁以啓金滕初武王有疾周公告於太王王季文王請以身代納冊金滕置中至是啓之見公請代武王之事王執書以泣出郊迎公天乃兩反風未盡起歲則大熟

滅殷奄宅土中修明禮樂

初武王封紂子武庚於殷使管叔鮮蔡叔度霍叔處監殷是為三監至是挾武庚以叛王命周公東征殺武庚誅鮮囚度降處為庶人遂滅殷先是管蔡流言奄君薄姑謂武庚曰武王既死今王尚幼周公見疑此百世一時也請舉事於是武庚叛奄與淮夸俱叛王滅殷後東伐淮夸遂踐奄討其君誅之徙奄新立之君於蒲姑始武王以洛為天下之中遷九鼎於洛邑有宅洛之志由是成王命周公召公營之謂之東都以前諸侯周公作周禮自朝廷邦國至祭祀燕享等禮無不具備朝諸侯於明堂樂名曰勺又曰武象伐紂之武功書曰王來紹上帝自服於土中王氏曰洛天地之中風雨之所會陰陽之所和四方朝聘貢賦道里適均故謂之土中洛邑今河南府洛陽縣

彈詞註卷二

十四

召公奭相康王棠樹巡行

成王崩子康王名釗即位太保召公奭初治西方甚得民和有司請召民公曰不勞召公奭初治西方甚先君文王志也乃巡行鄉邑聽斷於棠樹之下及卒人思其政不忍伐棠樹作甘棠之詩自洛以西召公主之今河南府陝州即周召分陝界有召伯城在宜陽甘棠驛即巡行聽斷之所謚法溫柔好樂曰康史略云召康公文王之少子名醜奭或其字也

周昭王狩漢濱膠舟溺水

康王崩子昭王名瑕即位時周道漸衰王南巡狩返濟漢濱以膠舟渡王中流船解王溺死漢水在漢陽府城北入江法儀容恭美曰昭謚

子穆王忘討罪八駿西巡

昭王溺死子穆王名滿即位忘討罪之師周行天下

渠六黃翰七黑驪八山子
諺法布德執義曰穆

命呂侯作贖刑只因財賈

王巡遊無度財匱民窮乃命呂侯作祥刑之書名曰
呂刑作為誥命頒之天下大抵增墨劓之條以盡天
下之惡而減大辟之條以道犯死之罪既制五罰以
贖五刑之疑又制五過以寬五罰之疑刑繁而輕以
贖民罪以斂民財然哀矜惻
恒猶可想見三代忠厚遺意

征犬戎獲狼鹿荒服觀兵

王將征犬戎祭公謀父諫曰先王耀德不觀兵王不
聽征之獲四白狼四白鹿即昆侖也黃帝
公字謀父犬戎即昆侖大半是
之後今長沙武陵蠻大半是

徐偃王朝諸侯彭城走死

初徐夸率九夸伐周西至河上王畏其偪乃分東方
諸侯命徐子主之徐子得朱弓赤矢自以為天瑞偃
稱偃王陸地而朝者三十六國時王西巡聞徐子偃
號乃歸命楚伐徐徐子愛民不忍鬪乃北走彭城百
姓隨之以萬數徐子將死曰吾賴於文德
而不明武備故至此 徐今鳳陽府泗州

造父封祈招諫得止王心

董廉五世孫為造父以善御幸於穆王徐偃王作亂
造父為御歸周以救亂王以趙城封造父其族由此
為趙氏王欲肆意周行祭公諫父祈招之詩以止
王心曰祈招之悖悖式昭德音思我王度式如玉式
如金刑民之力而無醉飽之心王聞諫改過以是獲
沒於祗宮 謀父周卿也食邑於祭祈司馬之官招
其名也趙城縣名屬平陽府 祭
音蔡招音韶祗宮離宮名悖音姻

共懿孝道衰微詩人作刺

穆王崩傳子共王名繫扈共王傳子懿王名囂是時
王室既衰遷都槐里詩人作詩刺之懿王崩弟孝王
名辟方即位 槐里故城在西安府興平縣東南即
太邱城 謚法既過能改曰共繫音衣扈音戶謚法
溫柔賢善曰懿
慈惠愛親曰孝

惡來後善養馬非子封素

惡來後善養馬非子封素

主馬於汧渭之後有間馬大蕃息乃封為附庸之君邑之
秦曰昔柏翳為舜主畜多息故有土錫姓曰嬴今其
後亦為朕息馬其使復續嬴氏祀號曰秦嬴 惡來
蜚廉子非子秦始祖秦今鞏昌府秦州隸陝
西太邱即興平縣汧渭二水名 汧音牽

天雨電江漢冰谷徵顯著

是時天大雨電牛馬死江漢俱凍當嬴秦始
封而災異之見若茲履霜之象已兆於此矣

至夸王朝禮壞下見群臣

孝王崩諸侯復立懿王太子變即位是為夸王夸王
不立於父而立於諸侯之手故加禮下堂以見之觀
禮既廢王室寢衰自是永為
例矣 謚法安心好靜曰夸

厲王胡行暴虐淮夸入寇

夸王崩子厲王名胡即位王為人暴虐無道淮夸
入寇王命虢仲征之不克 謚法殺戮無辜曰厲

得衛巫能弭謗國亂逃奔

彈詞註卷二

十六

王暴虐國人謗王王怒得衛國巫人史監謗者以告
則殺之國人莫敢言道路以目王喜告召公曰吾能
弭謗矣召公曰是障之也塞下之口而遂上之過恐
為社稷憂不聽後三年國人叛襲王出奔於彘 彘
今平陽府霍州漢為彘縣厲王
奔時築有彘城崩後有陵存焉

周召公相協和維持國政

王奔彘太子靖匿召公家國人圍之召公以其子代
太子太子得脫於難召周公周公以太子尚幼相與協
和以同
心輔政

號共和十五載斷續朝廷

王居彘十五載不敢歸周召協和
以輔太子共理國事故號共和

宣王靖平淮夸勤於政事

厲王崩於彘子宣王靖即位時淮南夸叛命召虎率
師討平之疆理至於南海詩人作江漢六章美之周召輔
自將以伐淮北徐夸詩人作常武六章美之周召輔
王穆政法文武成之遺傳內翰

任申伯用山甫周室中興

王任用申伯仲山甫以相輔佐早朝晏罷以致中興諸侯於是復宗周

伐玁狁至太原不勤遠略

玁狁內侵逼近京邑王命尹吉甫北伐之逐出太原而歸不復遠追詩人作六月六章美之太原今山西太原府太原縣有謂太原乃關中慶陽界古之原州今之鎮固屬平涼安定者非是 玁音顯狁音允

吉甫瀘州人

後宮中姜王后脫珥規勤

王后姜氏賢而有德王嘗晏起后乃脫簪珥待罪於永巷曰妾不才至使君王失禮而晏朝以見君王之樂色而忘德也夫苟樂色必好奢好奢必窮樂窮樂者亂之所興也原亂之興從婢子起婢子生亂當服其辜敢請罪王曰寡人不德實自生過非夫人之罪也遂勤於政事卒成中興之名

彈詞詳卷二

七

殺杜伯及左儒俱非其罪

朱弓矢興道左鬼報亡身

杜國之伯名恒為周大夫宣王妻女鳩欲通之杜伯不可女鳩誅之曰恒竊與妾交王信之囚杜伯於焦其友左儒爭之王不許曰汝別君而異友也儒曰君道友逆則順君以誅友友道君逆則順友以違君王怒曰易而言則生不易而言則死儒曰士不枉義以從死不易言以求生臣能明君之過以正杜伯之無罪九諫而王不聽王使薛甫與司工錡殺杜伯左儒以杜伯語告之祝曰始殺杜伯誰與王謀王曰司工錡也祝曰何不殺錡以謝之王乃殺錡使祝以謝杜伯司工錡為人所殺而王曰臣何罪而見王曰恒之罪何哉召祝而曰殺祝以兼謝焉又皆為人所殺者皆為王告奈何皇甫何以為罪臣也後三年遊於圃田從人滿野日中杜伯乘白素衣司工錡為左祝為右朱衣朱冠起於道左射朱矢射王中心折脊伏於弓矢而死

周幽王寵褒如龍虢為崇

周宣王崩子幽王名宮涅即位初夏之衰也褒人之神化為二龍而言曰余褒之二君也夏后詰其虢而藏之傳及殿周莫之發也厲王發而觀之既於庭化為元龜入於王府府之童妾未既觀遭之既筭而孕當宣王時而生不夫而童懼而棄之時童謠曰厲孤其服實亡周國有夫婦鬻是器者王使執之逃於道見向所棄妖子取之亡奔於褒褒人有罪而入是女於王以自贖王遂置之女子出褒是為褒如王嬖愛之 虢音釐龍吐沫也 齷音襴毀齒也 筭音稽簪也 女子十五而笄 繫音掩 山桑 孤音胡 木弓 箕草名 可結為服以盛矢 崇音碎 神禍也 褒國名 今漢中褒城縣 謚法動靜亂常曰幽

幸驪山舉烽火戲弄邦君

周制為烽燧寇至則舉烽火諸侯悉舉兵來援褒如不好笑王說之萬方故不笑王語號石父曰汝有計能令褒如笑賞爾千金石父乃進計幸驪山大舉烽火諸侯至而無寇褒如乃大笑王為是數舉烽火其後不信諸侯不至 驪山 在西安府臨潼縣東北

彈詞註卷二

六

三川竭岐山崩聲先裂繒

初涇渭洛三川皆震伯陽父曰周將亡矣昔伊洛竭而夏亡河竭而商亡今周德若二代之季矣其川源又塞塞必竭川竭山必崩國亡不過十年以至是三川竭岐山崩褒如好聞裂繒聲王發繒裂之以適其意至十一年幽王滅周乃東遷 岐山今鳳翔府岐山縣伯陽父即李耳相傳母懷之八十一歲乃生即白首故號為老子字伯陽又曰聃為周柱下史見周衰乘青牛西出函關隱去葛稚川曰老子無世不出數易姓名出於黃帝時號廣成子周文王時號支邑先生武王時號郭叔子漢初號黃石公鬚眉皆白杖丹蓂履赤舄漢文時號河上公 父音 甫葛洪字稚川又名抱樸子句容人

用非才號石父結怨群臣

號石父為人佞諛好利王以為卿國人皆怨諸侯皆畔

申侯反召西夸犬戎兵動

褒如生子伯服如與號石父比譖廢申后及太子宜臼立褒如為后伯服為太子宜臼出奔申王伐申

殺幽王 申侯召西魯大戎之兵

殺幽王擄褒姒國勢分崩

時王舉烽火徵兵兵莫至夫戎遂弑王驪山下擄褒姒並殺鄭桓公友盡收寶賂而去

秦襄公鄭武公驅戎救駕

犬戎之亂秦襄公力戰却戎衛武公和晉文侯仇亦將兵救周黜伯服鄭世子掘突收父桓公散兵從諸侯迎太子於申掘突是為武公

立平王遷洛邑成許和申

平王名宜臼幽王之子鄭武公等迎立之王以豐鎬近戎乃東遷洛邑以申侯有功於已為遷畿內之民成申成許以防戎朱子曰申侯與犬戎攻宗周而弑幽王則申侯者王法不赦之賊平王不共之讐也今以立已為有德不知弑父為可怨至使復讐討罪之師反為報施酬恩之舉勞天子之民遠為諸侯成守忘親逆理甚矣許今開封府許州謚法執事有制曰平

彈詞註卷二

五

併西戎收餘民秦封始大

初秦襄公以兵送平王於洛王封為諸侯賜之岐以西之地曰戎無道侵奪我岐豐之地秦能攻逐即有其地與誓封爵之襄公於是始國而與東諸侯通使聘享之禮至文公十六年以兵伐戎敗走於是文公收周餘民以有西岐之地邠岐豐鎬盡為秦有而秦始大豐在西安府鄠縣鎬今長安縣邠今邠州

作鄜時祠上帝僭用犧牲

秦文公夢黃蛇自天下屬地其口止於鄜衍問史敦曰此上帝之徵君其祀之於是作鄜時用三牲郊祭白帝秦僭自此始鄜今延安府鄜州時封土而祭也鄜音敷時音莖

至桓莊無威令下同列國

平王崩孫林立是為桓王鄭伯不朝王伐鄭戰於緡葛王卒大敗祝聃射王中肩劉道源曰桓王伐鄭兵敗王傷天子威令下同列國桓王崩子佗立是為莊王桓莊之時子弑父臣弑君者踵相接也而威令不行王不能問東周之衰已決於此編葛地名在鄜州

管子曰未可若軍令則吾執寄諸內政矣夫齊國一
甲兵吾欲輕重盾而移之於甲兵重罪贖以罪甲寡
者三禁而不可上下坐成以束矢美金以鑄劍戟試
諸狗馬惡金以鑄鉏斤擣試諸壤土高子國子
皆齊上卿內政國政也寄託也居則為軌出則為伍
所為寄軍令也重罪死刑也犀犀皮也可用為小戟
車戰也輕罪剗刑之屬贖盾屬革有文如贖也甲罪
不入於五刑者以金贖有分兩之差今之罰金是也
書曰金作贖刑間罪刑罰之疑者也周禮以兩造禁
民訟入束矢於朝然後聽之註云訟謂以財貨相告者
三日乃致於朝然後聽之註云訟謂以財貨相告者
造至也使訟者兩至既兩至使入束矢乃治之不入
束矢則是自服不直者也必入矢者取其直也管子
書註云十二矢為束矢周禮註謂古者一弓百矢束
矢百個也獄謂相告以罪者劑今券書也使獄者各
齋券書既兩券書使入鈎金又三日乃治之重刑也
不券書不入金則是亦自服不直者也必入金者取
其堅也三
十鈎曰鈎

蛇從龍佐亡人趙衰狐偃

彈詞註卷一

三

初晉重耳出奔嘗餒於曹介子推割股以食之及歸
賞從亡者狐偃趙衰顛頭魏犢而不及子推子推之
從者懸書宮門曰有龍矯矯頃失其所五蛇從之周
流天下龍飢乏食一蛇割股龍返於洞安其壤土四
蛇入穴皆有處所一蛇無穴號於中野公曰寡人之
過也使人求之不得隱綿山中焚其山子推死焉先
是秦穆公使公子繫弔重耳親曰喪不可久時不
可失舅犯曰亡人無以為寶仁親以為寶介子推
姓王名光臨晉人狐偃狐突之子
趙衰字子餘臨晉人魏犢號武子

狩河陽盟踐土顛倒君臣

晉文公作王宮於踐土獻楚俘於王王策命文公為
侯伯與諸侯盟於踐土諸侯朝於王所後晉召王以
諸侯見會於河陽春秋曰以臣召君不可以訓故書
曰天王狩於河陽河陽今懷慶府孟縣踐土地名
在開封府
榮澤縣

頃匡定禮樂崩憑誰整頓

襄王崩傳子頃王名壬臣頃王傳子匡王名班匡王
崩傳子定王名瑜是禮樂征伐自諸侯出天子勢衰

名於天下而已
頃貞心大度曰匡
謚法與心動曰
法古曰定

楚莊王興士馬問鼎欺心

楚本子爵自夸王之世已僭稱王及厲王暴虐復去王號至莊王旅始伯伐陸渾之戎觀兵周郊王使王孫滿勞之莊王問鼎之大小輕重滿曰在德不在鼎周德雖衰天命未改鼎之輕重水可問也莊王漸而退陸渾之戎即秦晉遷之伊洛者

簡王後至靈王時生孔聖

定王崩傳子簡王名夸簡王傳子靈王名泄心庚戌二十一年冬十一月夏正八月二十七日孔子生其先宋人至孔父嘉五世親盡別為公族故以孔為氏六世祖孔父嘉之子奔魯遂為魯人父叔梁紇無子求婚於顏氏顏氏以女徵在妻之禱於尼邱生孔子因名丘字仲尼魯謚尼父漢追謚宣尼父後周追封鄒國公唐追封文宣王宋加至聖文宣王元加大成至聖文宣王明嘉靖中改文宣王稱為先師易塑像為木主世封其後為衍聖公擇其後之賢者世知曲阜縣謚法平易不訾曰簡亂而不損曰靈

彈詞註卷一

三

祖堯舜憲文武撐柱斯文

孔子序書記禮刪詩正樂晚而喜易序易象繫象說卦文言以詩書禮樂教弟子蓋三千焉身通六藝者七十二人孔子曰文王既沒文不在茲乎天未喪斯文也匡人其如子何中庸謂仲尼祖述堯舜憲章文武

鳳兮歌喪狗譏轍環不遇

孔子之楚楚狂歌曰鳳兮鳳兮何德之衰適鄭鄭人曰東門有人其類似堯其項類臯陶其肩類子產其腰以下不及禹者三寸纍纍然若喪家之狗轍環所至幾遍天下卒偃蹇於七十二君之庭道大難容尼山終老楚狂名陸通字接輿

作春秋誅亂賊絕筆書麟

魯人西狩叔孫之車士曰子鉏商獲獸傷其左足載以歸孔子觀之曰麟也胡為乎來哉春秋以尊天王以誅亂曰吾道窮矣於是因魯史作春秋以尊天王以誅亂

四十二年... 四十二年四月孔子卒年七十三

景悼敬兩三朝家翻國亂

靈王傳子景王名貴景王無適子傳次子悼王名猛初景王太子聖早卒少子朝有寵景王欲立之未果王崩單子劉子立猛為王朝作亂劉子單子以王猛如皇晉人帥師納入王城猛尋卒諸大夫奉王猛同母弟丐為王是為敬王 諡法由義而齊曰景善合法典曰敬

元貞定哀思考弒立紛紜

敬王傳子元王名仁元王傳子貞定王名介貞定王傳子去疾是為哀王立三月弟叔弒之而自立是為思王立五月少弟嵬殺之而自立是為考王 諡法行義說民曰元清白守節曰貞紀行不爽曰定

勞攘攘數百年中原瓦裂

是和非長共短史記評論

漢武帝時太史司馬談之子遷為太史令續父談書作史記起黃帝迄漢武獲麟之歲撰十二紀以序帝

彈詞註卷二

五

王十年表以貫歲月八書以紀政事三十世家以敘公侯七十列傳以志士庶上下三千餘歲凡百三十

篇 司馬遷字子長絳州龍門人

秦穆公宋襄公假行仁義

秦穆公名任好三置晉君一救荆禍追伐姜戎益國十二開地千里遂伯西戎宋襄公名茲父始而執滕公使邾文公用鄆子於次睢之社一會而虎二君遂成霸業卒之孟之會為楚所執泓之戰楚傷其股國人咎之襄公曰君子不重傷不禽二毛古之為君也不以阻隘寡人雖亡國之餘不鼓不成列世笑以為宋襄之仁

吳夫差越勾踐改號稱尊

武王封泰伯之後於吳夏少康封子無餘於會稽以奉禹祀號曰越夫差闔閭之子偃號稱吳王勾踐允常之子偃號稱越王初闔閭伐越敗於檇李闔閭傷將指卒夫差伐越敗越於夫椒勾踐行成於吳滅吳踐返國二十餘年伐吳吳兵敗夫差自殺越遂滅吳

魯曹沫七登壇收還侵地

初齊桓公伐魯魯敗莊公獻遂邑以平桓公許與魯盟將盟曹沫以匕首劫桓公於壇上曰反魯之侵地桓公許之沫去匕首北面就臣位桓公悔欲無與魯地而殺沫管仲曰棄信於諸侯不可遂還魯侵地

趙武子孤得立杵臼程嬰

晉靈公為趙穿所弑趙盾亡不越境反不討賊太史書曰趙盾弑其君盾死子朔嗣屠岸賈始有寵於靈公至景公三年賈為司寇乃治靈公之賊攻趙氏於下宮殺朔朔妻晉成公姊莊姬有遺腹生男賈聞索之朝客公孫杵臼謂朔友程嬰曰立孤與生男孰難嬰曰死易立孤難耳杵臼曰子強為其難者吾為其易者乃取他兒匿山中嬰出謬曰子我千金吾告趙氏孤處賈使人隨嬰攻殺孤兒及杵臼趙氏貞孤反在嬰與匿山中名曰武後景公疾卜大業之後不遂者為崇韓厥曰大業之後在晉絕祀者其趙氏乎公問趙後厥以實告乃召趙孤見匿之宮中諸將入問疾公因厥眾以脇諸將而見武諸將歸罪於賈且請立

彈詞註卷二

三四

趙後遂與嬰武攻賈滅之復與武田邑如故嬰曰我將下報趙宣孟與杵臼武泣嬰曰彼以我為能成事故先我死今我不報是以我事為不成遂自殺程嬰杵臼俱太原人趙盾字孟謚宣子

季札來聘上邦請觀周樂

吳子壽夢四子長諸樊餘祭次餘昧次季札壽夢見札賢欲立之札辭乃立諸樊諸樊卒必欲致國於季子使聘於魯請觀周樂魯人為奏六代之樂使工為之歌周南召南曰美哉始基之矣又為之歌衛歌王歌鄭齊幽秦魏以至歌唐歌陳札皆如其歌以美之自鄆以下無譏焉更為之歌小雅大雅以至歌頌曰至矣哉五聲和八風平節有德見舞大武者所同也見舞象箭南籥者曰美哉猶有憾見舞大武者曰周之盛也見舞韶濩者曰聖人之弘也而猶有漸德見舞大夏者曰非禹孰能修之見舞韶箛者曰德至矣哉大矣如天之無不幬也如地之無不載也雖甚盛德其蔑以加於此矣觀止矣雖有他樂吾不敢請矣其出聘以通嗣君也遂歷聘於齊鄭衛晉六代之樂黃帝雲門堯大章舜韶禹大夏鄭衛晉六代之樂

國僑相聽國政與濟途人

公孫僑聽鄭國之政以乘輿濟人於溱洧從政一年
輿人誦之曰取我衣冠而褚之取我田疇而伍之孰
殺子產吾其與之及三年又誦之曰我有子弟子產
誨之我有田疇子產殖之子產而死誰其嗣之及卒
孔子曰古之遺愛也子產姓公孫名僑字子產以父
子國之字為氏故曰國僑褚藏也

田穰苴掌兵權立誅莊賈

齊景公時師敗於燕晉晏嬰薦司馬穰苴為將軍穰
苴曰臣素卑賤願得君之寵臣以監軍公使莊賈往
苴與賈約日中會於軍門苴先馳至軍門夕時賈始
至苴曰何後期賈曰親戚送之故留苴曰將受命之
日則忘其家臨期賈束則忘其親援抱鼓之急則忘
其身何相送乎召軍正問曰軍法後期而至至何曰
當斬賈懼使人馳報景公求救未及返而斬賈久之
公遣使持節救賈馳入軍中苴曰軍中不馳今使者
馳云何軍正曰當斬苴曰君之使不可斬乃斬其僕
車之左馱馬之左驂以徇三軍始閱士卒身自撫循
勒兵大敗晉師穰苴田完之後晏嬰薦於景公拜
為將軍燕晉聞之皆解去後齊威王用兵大倣穰苴
之法諸侯來朝王乃追論古者司馬兵法
而附穰苴於其中因號曰司馬穰苴兵法

彈詞註卷二

五

孫武子教戰陣令斬宮嬪

孫武子齊人以兵法見於吳王闔閭王曰勒兵可試
以婦人乎曰可於是出宮中美女孫令分為二隊以
心之寵姬二人名為隊長皆令持戟令之曰汝知而
視左手右手視右手後則視背婦人曰諾約束既布乃
設鉄鉞即三令五申而鼓之右婦人大笑孫子曰約
束不明申令不熟將之罪也復三令五申而鼓之左
婦人復大笑孫子曰約束已明申令已熟而不如法
者吏士之罪也乃欲斬左右隊長吳王從臺上見斬
愛姬趣令曰寡人非此二姬隊不甘味願勿斬也孫
子曰將在軍君命有所不受遂斬隊長二人以徇用
其次為隊長於是復鼓之婦人左右前後跪起皆中
規矩繩墨孫子報王曰兵既整齊雖赴水火可
也王遂以為將西破強楚北威齊晉顯名諸侯

伍子胥入郢宮鞭屍報怨

楚平王使伍奢為世子建師費無極譖之王執奢使
伍子胥奔吳約謂曰我能死爾能報爾勉之尚歸

敗奔鄭吳師五戰吳師敗於郢都
處於王宮員掘平王屍鞭之
楚之舊都在荊州府城東北三里
伍員字子胥監

越范蠡破姑蘇棄職辭君

初越敗於吳用范蠡計行成於吳及返國蠡與勾踐謀賂吳太宰伯嚭誣殺伍員遂伐吳吳兵敗棲於姑蘇亦使人行成於越不許夫差自殺蠡以勾踐可與共患難不可與同安樂乘輕舟泛五湖浮海出齊變姓名自號鴟鴞子皮父子治產數千萬齊人聞其賢以為相蠡曰久受尊名不祥歸相印散其財間行止於陶又謂陶朱公 姑蘇山名在蘇州府陶今兗州府定陶縣 范蠡字少伯南陽人

韓趙魏求諸侯六卿分晉

初晉有智氏韓氏魏氏趙氏范氏中行氏號為六卿六卿強晉侯不能制貞定王十一年智伯與韓趙魏共滅范中行氏而分其地十六年智伯帥韓魏之甲以攻趙趙襄子走晉陽三家圍而灌之襄子使張孟談潛出見魏桓子韓康子乃陰與約決水灌智伯軍又殺智伯而三分其地後趙襄子卒立兄伯魯之孫浞是為獻子獻子之子籍與魏桓子之子斯韓康子之孫虔於威烈王時俱請為諸侯王許之虔為景侯籍為烈侯斯為文侯 晉陽今太原縣

威烈王寵反叛自壞彝倫

考王崩傳子威烈王名午二十三年初命晉大夫魏斯趙籍韓虔為諸侯通鑑托始於此 司馬公曰晉大夫暴蔑其君剖分其地天子既不能討又寵秩之是三晉之列於諸侯非三晉之壞禮乃天子之自壞之也 謚法強毅執正曰威秉德尊業曰烈

安烈顯守宗祧綿綿一脈

威烈王崩傳子安王名驕安王傳子烈王名喜烈王傳弟顯王名扁三王之時列國憑陵王室衰弱諸侯不知有天子矣 謚法好和不爭曰安烈謚見前行中見外曰顯

真觀王擁虛器奄奄殘雲

真觀王擁虛器奄奄殘雲

顯王崩傳子慎觀王名定後楚人謀圍周東周公謂楚令尹昭子曰東周地不過百里裂其地不足肥國得其衆不足動兵然而猶有欲攻之者見祭器在焉故也今子欲殘天下之共主居三代之傳器吾恐器南則兵至矣

收拾在赧王朝窮居僻地

慎觀王崩子延立是為赧王自顯王二年韓趙分周地為二以兩周公治之王寄焉而已慎觀以上皆居成周赧王微弱遷王城依西周武公謹法喪國心恤曰赧

就中間千百樣變化縱橫

二百載入春秋千戈硬併

入春秋者凡二百四十二年弒君三十六亡國五十二諸侯奔走不得保其社稷者不可勝數

九州中七暴國氣勢相吞

秦韓燕趙魏齊楚為戰國七雄

鄒子與孟軻氏尊王賤霸

孟字名軻字子輿鄒人受業孔子之孫子思魏惠王卑辭厚禮以招賢者孟子至梁言仁義王以為迂遠不能用去魏適齊見齊宣王言仁政陳王道恥道桓文之事齊以為容卿後致為臣而去

距楊墨闢邪說不合終身

時方從衡處士楊墨之言盈天下孟子乃述堯舜三王孔子之道以正人心距楊墨息邪說故所如不合及卒門人記其言為孟子七篇楊子名朱墨子名翟為宋大夫著書十五卷七十一篇以貴儉兼愛尊賢右鬼尚同為說

齊孫臧魏龐涓爭強鬪智

初孫臧與龐涓俱學兵法及涓事魏為將軍自以能不及臧乃召之至則斷其足而黜之齊使者至魏臧陰見之使者竊載以歸田忌進之威王會魏伐趙威王救趙使忌為將而臧為師居輜車中坐為計謀忌欲引兵之趙臧曰不若疾走大梁彼必釋趙自謀是故一舉解趙之圍一收弊於魏也忌從之遂敗魏師

涓歸樂齊師贖使齊軍入魏地日滅寇誘涓涓果喜
曰吾故知齊軍怯入吾地三日士卒亡者過半矣乃
倍道逐之曠度其暮當至馬陵馬陵道隘而旁多阻
隘乃斫大樹白書之曰龐涓死此樹下令萬弩夾道
而伏期日暮見火舉而俱發涓果夜至見白書以火
燭之讀未畢萬弩俱發涓自刎曰遂成豎子之名
大梁今開封府馬陵道在大名府城東南 陋音狹

趙廉頗秦白起賭勝誇能

廉頗仕趙攻齊拔晉陽伐魏取安陽封信平君白起
仕秦攻趙取狼城攻楚拔鄢郢燒彝陵楚徙都陳封
武安君後秦使王黈攻上黨拔之上黨民走趙趙廉
頗軍長平以按據之黈使人反間曰秦獨畏馬服君
出趙王怒數讓之應侯使人反間曰趙括代頗將秦聞
之子括為將耳廉頗易與趙遂以趙括代頗將秦聞
括為將乃陰以武安君為上將而黈為裨將令軍士
有敢泄者斬括至擊秦武安君佯敗走括乘勝追之
造秦壁壁堅拒不得入秦奇兵絕其後趙軍食絕四
十六日括自出搏戰秦射殺之卒四十萬人皆降武
安君盡坑之 范雎封應侯趙奢封馬服君鄢今宜
城縣屬襄陽府彝陵州名屬荊州府陳州名屬開封

彈詞註卷一

天

魯連子射聊城解紛排難

府上黨今山西潞安府長平今澤州高平縣馬服
山名在邯鄲武安郡名今彰德府磁州應今葉縣
燕將攻齊聊城拔之或譖之燕孝王燕將保聊城不
敢歸齊田單攻之歲餘不下魯仲連乃為書約之矢
以射城中曰為公計者不歸燕則歸齊今獨守孤城
齊兵日益而燕救不至將何為乎燕將見書泣三日
遂自殺聊城亂單克之歸言仲連於齊王欲爵之仲
連逃之海上曰吾與富貴而誅於人寧貧賤而輕世
肆志焉初秦攻趙曰吾攻趙且暮且下諸侯敢救者
必移兵先擊之新垣衍說趙欲共尊秦為帝以卻其
兵仲連聞之見衍曰秦萬乘之國梁亦萬乘之國秦
帝則將行天子之禮以號令天下得晏然乎乎行再
奪其所憎而與其所愛梁王安得晏然乎乎行再
拜曰吾今乃知先生天下士也後信陵君大破秦軍
趙君弟平原君勝欲封仲連不受乃以千金為壽連
也遂解去逃於海上著有魯仲連子書十四篇
聊城縣名屬東昌府鄆今河南彰德府臨漳縣

蘭相如澗池會重趙輕秦

秦王告趙王願為好會於河外涇池廉頗藺相如曰
王不行示趙弱也趙王乃行相如從頗送秦王境如曰
訣曰王行不過三十日過此不還則請立太子以絕
秦望王許之及會飲酒酣秦王請趙王鼓瑟趙王鼓
之相如請秦王擊缶秦王不肯相如曰五步之內臣
請得以頸血濺大王矣左右欲刃相如相如張目叱
之左右皆靡秦王為一擊缶罷酒秦終不能有加於
趙王歸以相如為上卿 涇池今縣屬河南府在盛
酒瓦器秦俗擊之以節樂 蘭
音咨灑音免在音阜灑音薦

施戰策冠七雄田單樂毅

齊王伐燕醢子之殺燕王噲國人立太子平為燕昭
王日夜撫循其人悉起兵伐齊以樂毅為上將封齊
湣王戰於濟西大敗湣王走莒樂毅入臨淄將軍齊
為昌國君乘勝長驅齊城望風而潰毅禁侵虐禮逸
民寬賦斂除暴令齊民喜悅六月之間下齊七十餘
城戰國以來能行仁義之師以伐有罪者惟毅一人
而已是時惟莒即墨二邑未下楚使淖齒救齊齒欲
與燕分齊地遂殺湣王於鼓里王孫賈攻齒殺之立
湣王子法章為齊王保莒以拒燕即墨人曰田單多
智習兵立以為將毅圍二邑三年會燕昭王薨惠王

彈詞詳卷一

三元

立惠王為太子時不快於毅單乃縱反間曰樂毅與
燕新王有隙欲連兵王齊故且緩攻即墨齊人惟恐
他將來即墨殘矣惠王乃使騎劫代將毅遂奔趙單
知毅去乃收城中得牛千餘為絳繒衣畫以五彩龍
文束兵刃於其角灌脂束葦於其尾鑿城數十穴夜
縱牛燒葦端壯士五千人隨之牛熱怒奔燕軍所觸
盡死傷城中鼓譟從之燕軍大敗齊人殺騎劫七十
餘城皆復乃迎讓王於莒入臨淄以單為相封安平
君 莒今屬青州府昌國今曹州梁邱故城在淄川
東北即墨今縣屬萊州府臨淄今縣屬青州府安平
今縣屬真定府 樂毅靈壽人樂
羊之後奔趙封望諸君湣音敏

掉舌尖說六國張儀蘇秦

洛陽人蘇秦說秦王以兼天下之術不用乃往說燕
文公曰燕之所以不被兵者以趙蔽其南也王與趙
從親則燕無患矣文公從之資秦車馬以說趙肅侯
曰山東之國莫強於趙然秦不敢伐趙者畏韓魏之
議其後也為大王計莫若一韓魏齊楚燕趙為從親
以擯秦秦攻一國五國各出銳師以撓秦則秦必不
敢出函谷以害山東矣肅侯悅使約於趙侯秦乃說
韓宣惠王魏惠王楚威王從許之於是

為從約長併相六國初魏人張儀與蘇秦儀事鬼谷
秦恐秦伐趙而敗從約乃召儀辱之激怒儀儀念
諸侯獨秦能苦趙遂入秦秦陰遣其舍人齎金幣資
儀儀得見秦王王悅之以為客卿舍人辭去曰蘇君
憂秦伐趙敗從以為非君莫能得秦柄故激怒君使
臣陰奉給君資盡蘇君之計儀曰為吾謝蘇君蘇君
之時儀何敢言後秦去趙使燕又自燕奔齊秦為齊
大夫所殺儀乃說魏襄王倍從約請成於秦秦為儀
儀說楚王曰夫為從者無異於驅羣羊而攻猛虎不
格明矣今王不事秦秦劫韓驅梁而攻楚則楚危矣
大王誠聽臣請令秦楚長為弟兄之國楚許之儀遂
說韓說齊俱從之復西說趙王曰大王率天下擯秦
秦不敢出函谷者十五年今楚與秦為昆弟韓梁稱
藩齊獻魚鹽之地北說趙王之右請獻常山之尾五城
兄弟趙王許之復北說魏王王請獻陽泰君卒諸侯
秦封儀為武信君張儀歸報未至咸陽秦君卒諸侯
復合從 常山在真定府曲陽縣鬼谷姓王名詡居
清溪之鬼谷年數百歲秦儀嘗問道三年辭去鬼谷
曰二子輕松喬之永壽
貴一旦之浮榮惜哉

養劍客四豪門雞鳴犬盜

彈詞註卷三

三

齊田文襲父嬰封於薛號孟嘗君趙惠文王弟勝封
平原君楚黃歇為春申君魏安釐王異母弟公子無
忌封信陵君俱好招致諸侯游士及任俠姦人食客
嘗數千人時謂四豪秦昭王聞文賢使請於齊以為
相或謂秦王曰文相秦必先齊而後秦秦其危哉秦
王囚文欲殺之文使人求解於客有善為狗盜者盜
狐白裘而文先已獻於秦王矣客有善為雞鳴者盜
裘以獻姬言於王而遣之王後悔使追之文至關關
法雞鳴乃出客時尚早追者將至客有善為雞鳴者
野雞皆應之文乃得脫歸林奇石曰荆軻劍客之最
下者也孟嘗以劍俠重齊平原以劍俠重趙春申以
劍俠重楚信陵以劍俠重魏之四君者皆以劍術為
秦敵而支其國於垂涎暴虎之吻王安石曰孟嘗君
特雞鳴狗盜之雄耳豈足以言得士 綱目書齊號
平原春申信陵並皆號也孟嘗是謚

破秦關三戰國蟻聚蜂屯

孟嘗君免相於秦歸齊而怨之與韓魏共攻秦敗秦
軍兵入函谷關秦王懼使公子池割河東三城以和
三國乃退

侯嬴頭晉鄙推何其猛烈

魏隱士侯嬴年七十為奇門監者信陵君置酒大會
賓客坐定信陵從車騎虛左自迎侯生侯生至引坐
上座賓客皆驚及秦圍趙趙平原君夫人信陵君姊
也使者冠蓋相屬於魏讓魏救不至魏使晉鄙救趙
次於鄴畏秦勿戰信陵君乃屬賓客欲赴鬪以死於
趙謀之侯嬴曰吾聞晉鄙兵將存王卧內而如姬
最幸力能竊之昔如姬父鄴人所殺公子則得虎符
警頭如姬欲為公子死無所辭誠一開口則得虎符
奪鄙兵北救趙西却秦此五霸之功也信陵君如其
言如姬果盜兵符與信陵君侯嬴曰將在外君命有
所不受公子即合符而晉鄙不授公子兵而復請之
危矣臣客屠者朱亥可與俱此人力士晉鄙聽大善
不聽可使擊之臣宜從老不能請數公子請亥以至
晉鄙軍之日北鄉自剄以送公子信陵君行亥笑
曰臣乃市井鼓刀屠者而公子親數存之今公子有
急此臣効命之秋也遂與公子俱至鄴合符果疑
欲勿聽亥袖四十觔鐵椎殺鄴信陵君遂將鄙兵
進破秦軍於鄴鄴下初公子至鄴之日嬴果北鄉自
剄邯鄲縣名屬廣平府大梁城東門口夸門

彈詞詳卷一

三一

荆軻七漸離筑一樣酸辛

燕太子丹嘗質於趙與秦王善及秦王即位丹質於
秦秦王不禮之丹怒亡歸欲報之聞衛人荆軻賢早
禮請見使劫秦王反諸侯侵地不可則刺殺之軻曰
行而無信秦未可親時秦將軍樊於期得罪亡燕乃
見于期曰秦王購將軍頭金千觔邑萬家奈何于期
流涕曰計將安出軻曰願得將軍首獻秦王秦王必
喜而見臣臣左手把其袖右手搵其胸則將軍之讐
復而燕之愧除矣于期遂自刎乃函盛其首與燕督
亢地圖并以所預求天下之利匕首遺軻入秦至咸
陽見秦王奉圖以進圖窮而匕首見把王袖而搵之王
驚起袖絕軻逐之環柱而走秦法羣臣侍殿上者不
得操尺寸兵左右以手共搏軻王曰王負劍王遂拔
以擊軻斷其左股軻引匕首擲王中負劍事所以
不成者欲生劫之必得約契以報太子也遂鋸殺軻
初軻將適秦太子賓客皆白衣冠送之至易水上軻
容高漸離擊筑軻和而歌為變徵聲士皆垂涕歌曰
風蕭蕭兮易水寒壯士一去兮不復還於是白虹貫
日復為羽聲慷慨士皆瞋目髮上衝冠軻死王盡逐
擊虜聞多於王王見惜而赦之乃聽其目稍進之

游離乃以鉞置禁中復進得近鉞王不中遂殺
之正義曰左王堪其胸秦王曰今日之事從子計耳
絕八尺屏風可超而越鹿盧之劍可負而拔王於是
奮袖超屏風而走之燕今順天府督亢坡名在順
天府涿州燕之腴地也易水在保定府安州宋子縣
名今屬鉅鹿說苑曰七首尺八短劍也其頭類七故
三分兩之一荆軻為劍注七首長二尺重二觔一兩
音擲筑音竹似瑟而小又似箏十二絃以竹擊之不
鼓故名曰筑躍海各反
以馬屎燻目令失明

八百年周社稷東西滅裂

周自武王至赧王共八百六十七年始都鎬為西周
繼都洛為東周後又都洛之成周為東周而以洛之
王城為
兩周

至赧王獻國邑併入西秦

秦伐韓趙赧王怒與諸侯約從欲伐秦秦使將軍樛
攻西周赧王入秦頓首受罪盡獻其邑三十六口三

彈詞註卷二

三

萬秦受其獻而歸
王於周王尋崩

細思量夏商周八十四主

能幾箇崇仁義有道仁君

開基主濟蒼生知甘識苦

守成君居富貴不會溫存

禁止令不行諸侯放肆

恩不流政不節百姓生嗔

一朝滅一朝興魚龍變化

一邊扶一邊倒累卵難撐

乾打鬧占排場戲棚傀儡

轉頭間消滅却火上冰凌

到頭止剩中原土
禾黍離離一望平

閱盡殘篇斷簡細評千古英雄功名富貴笑談中回首
一場春夢 昨日香車寶馬今朝禾黍秋風誰強誰弱
總成空傀儡棚中搬弄 西江月

冰弦歇指談鋒鈍
明日重來細講論

廿一史彈詞註卷之二

彈詞註卷二

廿一史彈詞註卷之三上

成都楊慎用修編著

漢陽張三異禹木增定

男仲璜別麓註 孫坦麟畫匣校

第三段 說秦漢 臨江仙

滾滾長江東逝水浪花淘盡英雄是非成敗轉頭空青
山依舊在幾度夕陽紅 白髮漁樵江渚上慣看秋月
春風一壺濁酒喜相逢古今多少事都付笑談中

詩曰

成敗興亡古至今飛雲去鳥入銷沉荒郊廢塚傷心
處不待田文聽鼓琴

彈詞註卷三

記得東周併入秦回頭楚漢鬧乾坤時來驟雨推潢
潦勢敗狂風捲片雲富貴一場鴛枕夢是非千載馬
蹄塵殘山剩水年年在不見謀王圖霸人

剪雪裁冰詩有味降龍伏虎事曾聞夜來說到降龍
處今日還尋伏虎人伏虎降龍輸好漢談今說古看
書人休嫌短話成長話要把新文接舊文打虎金槌
休換柄斬蛟寶劍再磨新斬蛟寶劍長三尺打虎金
槌重九觔故典尋求知往事新詞說動長精神死灰
撥火重生燄枯樹開花再遇春春去春來人易老花
開花落可憐人不如忙裏偷閒好再把新詞聽一巡

昨序說夏商周三代到周赧王被秦昭王逼獻國邑旋

滅東西周而周亡

秦之先原姓嬴氏周孝王時有非子者為主馬之官孝王封為秦伯閱二世至秦仲其國始大傳之

莊公 襄公 文公 寧公 武公 德公

宣公 成公 穆公 康公 共公 桓公

景公 哀公 惠公 悼公 厲公 躁公

懷公 靈公 簡公 獻公 孝公 凡二十四

世孝公用商鞅之術富國強兵傳之子是稱惠文王傳之武王武王因舉鼎絕臚而死其弟名稷嗣位是為昭王乙巳年滅周又六年薨其子孝文王即位三日而死傳其子莊襄王按莊襄王名楚先前納呂不韋之妾生子名政莊襄王在位三年而亡其子政即位冒嬴氏之

彈詞註卷三 上

二

姓甲寅年為始征伐六國二十年之後滅韓又滅趙滅

魏滅楚滅燕至庚辰年滅齊天下歸一自稱始皇帝晏

駕之日趙高殺其太子扶蘇立次子胡亥為二世皇帝

三年趙高弒之立扶蘇之子名子嬰降號為二世秦王

計誅趙高四十六日沛公入關降於軹道傍而秦亡隨

為楚項籍所殺又五年楚為漢滅天下定於一矣

漢高祖姓劉名邦平秦滅楚諸侯王奉即皇帝位

年傳之

惠帝 在位七年

元年前後少帝在位各四年

呂后 元年前後少帝在位各四年

後元在位十六年

文帝 元年前後少帝在位各四年

元年前後少帝在位各四年

景帝 元年前後少帝在位各四年

後元在位十六年

武帝建元 太初 元光 元朔 征和 元鼎 元封 元平 四年

宣帝本始 鳳 甘露 地節 元康 神爵 五鳳 昭帝始元 在位十三年 元鳳 元平

元帝初元 竟寧 在位一十六年 建昭 成帝建始 鴻嘉 永始 元平 延 綏和在 哀帝建平 在位六年 元壽

平帝元始 五年 在 孺子嬰居攝 初始 在位三年

凡十三主共二百十一年是為西漢被外戚王莽所奪

莽毒弑平帝廢孺子嬰改國號曰新篡位十八年漢兵

起奉宗室劉元為帝名曰更始誅莽即位三年為赤眉

所奉劉盆子所滅降封淮陽王盆子兵敗降於光武

光武皇帝劉秀者南陽宗室出景帝之裔大戰昆陽誅

王莽斬王郎平赤眉等寇神武中興建武 中元 在 傳

之明帝永平 十八年 在 章帝建初 元和中 章 和帝永元 元興 殤帝延平 在位一年

安帝永初 元初 延光 在位十九年 永和 漢 順帝永建 陽嘉 永和 在位十九年 質帝本初 在位一年

冲帝永嘉 在位一年 桓帝建和 和平 元嘉 永興 永 靈帝建寧 熹 熙平 元和中 獻帝初平 興平 建

凡十二主共一百九十五年天下魏蜀吳三分

秦始皇至漢獻帝通共四百三十三年中間覆雨翻雲

幾場興廢談論間不能細說略將大槩品題

彈詞註卷三 上

三

七戰國秦昭王英雄獨霸

秦嬴昭襄王名稷秦武王之具母弟也質於燕武王好力戲舉鼎絕脈而死無子魏冉與國人迎稷立之將白起相范雎伐楚伐趙六國質子獻城咸有帝秦之意 七國註見二段七暴國下秦嬴註見二段非子封 秦下

奪周朝取世界遷徙周民

昭王攻周赧王盡獻其邑周民不樂屬秦東亡於鞏秦收其寶器遷西周公於愚狐聚 愚狐聚在洛陽南即古梁城 惡音憚

昭王死子孝文繼登三日

昭襄王薨子孝文王名柱即位三日而薨

奄然間無疾病做了亡人

莊襄王恰三年龍牀未煖

彈詞註卷三

莊襄王名楚孝文王之子初質於趙因呂不韋之計歸秦為嗣即位三年薨 謚法睿智克服曰莊辟地

有德 曰襄

棄羣臣亡化了結果嬴秦

楚死子政嗣政實不韋之子秦嬴氏之裔絕矣胡致堂曰孝文立三日薨莊襄立三年薨何其遽也呂不韋能以其子為秦王子豈不能 疾去二君以其子為秦國王哉

秦始皇呂家兒根源不正

莊襄王名具人初質於趙陽翟大賈呂不韋適邯鄲見具人曰此奇貨可居乃說曰太子愛華陽夫人而以千金西游立子為嗣具人曰必如君策秦國與子共之不韋乃厚貲西見夫人妙說曰夫人愛而無子具人賢自知中子不得為適誠以此時拔之是具人無國而有國夫人無子而有子也夫入遂與太子為嗣因請不韋傳之不韋娶邯鄲美姬居知其有娠與具人飲見而請之不韋佯怒既而獻之期年生子政具人立姬為夫人邯鄲之圍具人亡赴秦軍遂

歸更名楚薨政嗣位年十三 陽

瞿秦邑今開封府禹州華陽宮名

璜按史載始皇以呂易嬴蓋以期年而生子政為據

解者曰人十月生此過二月踰常期故知為不韋子

心竊疑之今讀朱青巖輯要云婦人胎氣以十月為

滿不韋進姬於吳人期年生子是納後兩月受胎何

得謂知其有娠而獻之夫婦人有娠必一二月而後

知又期年生政是始皇之生不幾上同堯禹下侔漢

昭乎蓋秦以詐力併天下漢人之惡其焚書坑儒因不

韋私通於太后故遂以曖昧之事互相傳述以實之

議之也此論可解期年之疑而定呂嬴之案矣

呂不韋稱仲父於國何親

呂不韋封相國為文信侯號稱仲父後不韋以罪免
相就國歲餘諸侯使者請之相望於道始皇恐其為
變賜不韋書曰君何功於秦封河南十萬戶何親
於秦號稱仲父徙處蜀飲酖死 蜀今成都府

咸陽市懸千金誇張呂覽

初不韋為相國使其客集儒書著其所聞為十二紀
八覽六論訓解各十萬言備天地古今萬物之事名

彈詞註卷三

五

為呂氏春秋暴之咸陽市門懸千金其上有能增損

一字者與之時人無能增損者高誘為序以為人非

不能增損蓋憚相國畏其勢耳 咸陽縣名屬

西安府其地在山南水北山水皆陽故名咸陽

大陰人一場亂出醜難聞

初始皇年少太后與文信侯私通王壯文信侯恐事
覺乃私求大陰人嫪毐詐為宦者進之生二子封毒
為長信侯政事皆決於毒後有告毒非宦者下吏治
罪毒發兵為亂始皇使相國昌平君攻毒獲之滅三

族遷太后於雍殺其二子 雍
今鳳翔府 嫪音勞毒音藹

承累世大威風消磨六國

秦自孝公以來累世窺周國富兵強雄吞六國至
始皇承六世之餘烈亡二周而吞諸侯遂成一統

繫韓王削趙壤魏楚難存

秦十七年內史勝滅韓擄韓王安置潁川郡十八年
命王翦伐趙趙使將軍李牧禦之秦厚賂趙嬖臣郭
開言牧欲反趙王使趙蔥顏聚代牧翦大破趙軍克
邯鄲擄趙王遷二十二年遣王翦子賁伐魏魏王假

降殺之滅魏二十三年王翦伐楚楚卷國中兵樂之
翦擊破之殺其將軍項燕二十四年擄楚王負芻滅
楚置楚郡 潁川郡今開封
許昌楚郡今壽州 賁音奔

滅燕國俘遼東如同刈草

秦十九年擄趙王遷趙公子嘉自立為代王與燕合
兵抗秦二十年燕太子丹以荆軻劫始皇不克秦益
發兵就王翦於中山與燕代戰於易水西遂拔薊燕
王走遼東斬丹以獻秦秦復進兵攻之至二十五年
王賁滅燕擄燕王喜
還滅代擄代王嘉

入臨淄蠡王建松柏飄零

二十六年秦王賁自燕南攻齊使陳馳誘齊王約封
以五百之地賁舞入臨淄民莫敢格齊王建遂降秦
遷之共處之松柏之間飢死齊人怨建聽賓客姦人
不早與諸侯合從以亡其國歌曰松柏耶住建共
者客耶 共今
衛輝府輝縣

取百越却匈奴鞭笞天下

彈詞註卷三 上

六

秦二十五年王翦自楚郡定江南降百越置會稽郡
三十二年盧生入海還因奏錄圖書曰亡秦者胡也
始皇乃遣蒙恬發兵三十萬北伐匈奴收河南地為
四十四縣始皇專以刑威立國賈誼曰始皇履至尊
而制六合執敲朴以鞭笞天下
會稽郡今紹興府河南地今寧夏

罷諸侯置郡守撐達為君

丞相王綰等言燕齊荆地遠請立諸子為王以鎮之
廷尉李斯曰周封同姓甚眾攻擊如讐敵天子弗能
禁今海內一統皆為郡縣甚足易制置諸侯不便
始皇是其議分天下為三十六郡郡置守尉監

自稱為始皇帝革除謚法

始皇自以德過三皇功高五帝乃更號曰皇帝又除
謚法曰死而以行為謚是子議父臣議君也自今以
來除謚法朕為始皇帝後以數計
二世三世至於萬世傳之無窮

登泰山大封禪立石銘勳

始皇東行郡縣上鄒嶧山立石頌功德魯儒生議封
禪議各乖異始皇始儒生而除車道上自山陽至嶺

封泰山立石頌德從陰道下禪於梁父封藏皆秘之世不得而記也積土為封謂祭土於禪山上為壇而祭之除地為壇祭於梁父後改壇曰禪廣長十二丈壇高三尺階三等而樹石泰山之上高二丈一尺廣三尺凡封禪用玉牒書藏方石有玉檢又用石檢十枚列於石傍檢用金繩纏以五周以水銀和金為泥封之印以受命之璽又有玉匱一長一尺三寸以藏上帝之冊金匱二藏帝之冊泰山在濟南府泰安州北三里即東嶽岱宗也山高四十餘里有石表東嶽封神壇鄒嶧山在兗州府鄒縣東南二十五里即嶧山也梁父泰山下小山在泰安州東南一百一十五里漢書以此山名縣

造鐘鑄金人銷除兵器

收天下兵器聚咸陽銷以為鐘鑄金人十二置宮庭中周禮梓人為筍虞樂器所縣橫曰筍植曰鑿其聲大而宏則於鐘宜若是者以為鐘虞是故擊其所縣而由其虞鳴始皇二十六年有大人十二見於臨洮身長五丈足履六尺皆夷狄服始皇以為瑞乃銷兵器鑄為金人象之各重千石坐高二丈號曰翁仲一書云始皇使阮翁仲將兵守臨洮聲振匈奴翁仲死遂銅鑄其形像置咸陽宮司馬門外匈奴至有

彈詞註卷三上

七

見之者猶以為生鑿與虞通音巨

坑儒生焚聖典殄滅斯文

李斯上書曰今天下已定法令出一諸生不師今而學古聞令下則各以其學議者皆詣守尉燒之偶語詩書者棄市以古非今者族所不去者醫藥卜筮種樹之書欲學法令者以吏為師制曰可會侯生盧生相與譏議因亡去始皇大怒曰諸生或為妖言以亂黔首使御史按問之諸生轉相告引乃自除犯禁者四百六十餘人皆坑之咸陽一書云秦既焚書諸儒多謗怨召諸生至者皆拜為郎凡七百人士乃密令冬月種瓜於銅谷中溫處瓜有實詔下博士諸生說之人人各異乃命就跡之先為伏機諸生各相難不能決因發機填之以土焚書坑在驪山下即坑儒谷

填大海建阿房蓬萊求藥

始皇作石橋欲通海看日出處有神人驅石入海石去不速神輒鞭之流血又東巡幸遇秦橋之水率百官以下人提一石以填之俄而橋成如履平地又以咸陽人多先王宮庭小乃營朝宮渭南上林苑中先

作前殿阿房東西五百步南北五十丈上可坐萬人
下可建五丈旗周馳為閼道自殿下直抵南山表山
巔以為闕複道渭屬中計宮三百闕外四百七十餘
萬人分作阿房驪山關之計宮三百闕外四百七十餘
生說始皇所居宮殿令人知不死之藥可得乃令咸
陽三百里內宮觀複道相連帷帳鐘鼓美人充之所
行幸有言其處者死初燕宋無忌羨門子高之徒稱
有仙道形解消化之術自齊威宣燕昭王皆信之使
人入海求蓬萊方丈瀛洲此三神山在渤海中仙
人及不死藥在焉始皇東遊海上方士徐市等上書
請得齋戒與童男童女求之於是發童男女數千人
往船交海中皆以風為解曰未能至望見之焉道
德經月中仙人宋無忌白擇圖云火之精曰宋無忌
蓋其人火仙也羨門古仙人名字高阿曲也殿之四
曲皆為房阿房宮名在西安府咸陽縣東二十五里
渭南上林苑中驪山臨潼縣東南二里因驪戎所居
故名山之麓
溫泉所出

築長城修五嶺苦害生民

築長城起臨洮至遼東延袤萬餘里暴師於外十餘
年累取南越地置桂林南海象郡以謫徒民五十萬

彈詞註卷三十一

成五嶺 臨洮縣臨洮水故名屬隴西郡隸陝西桂
林今廣西桂林府南海今廣東廣州府象郡今廉州
雷州等府皆是五嶺裴潛廣州記大庾始安臨賀桂
陽揭陽唐書註云大庾嶺在虔州永明嶺白芒嶺在
道州臘嶺在桂
州各有小異

博浪沙飛金椎副車誤中

韓人張良五世相韓韓亡良散千金之產欲為報讐
始皇東遊至陽武博浪沙中良令力士操鐵椎徂擊
始皇誤中副車 陽武縣名屬
開封府今縣南有博浪沙亭

十日索無踪影未免擔驚

良擊始皇不中始皇驚求
弗得令天下大索十日

因巡狩至沙邱鑿輿晏駕

始皇東遊少子胡亥與李斯從至平原津病篤乃令
趙高為書賜太子扶蘇與喪會咸陽而葬未付使者
遂崩於沙邱 平原津今德州
沙邱故城在萊州府掖縣

鮑魚車同載轉廝混尸靈

始皇崩秘不發喪棺載輜涼車中會暑輜車臭乃詔
從官令車載一石鮑魚以亂其臭 車有臄臄閉則
輜開 則涼

奸臣計暗圖謀扶蘇太子

趙高謂李斯曰扶蘇即位必用蒙恬為丞相君侯終
不懷通侯之印明矣胡亥慈仁篤厚可以為嗣斯然
之乃相與矯詔立胡亥為太子更為書賜扶蘇
數以不能立功上書怨謗而恬不矯正皆賜死

可憐哉同恬毅賜死長城

始皇尊寵蒙氏蒙恬將兵長城蒙毅常居中謀議始
皇病遣毅出禱山川未反而始皇崩趙高等遂矯詔
賜蒙恬與扶蘇死扶蘇泣欲自殺恬曰陛下使臣守
邊公子為監此天下重任也今一使者來安知其非
詐復請而死未暮也扶蘇曰父賜子死尚安復請即
自殺恬不肯死繫諸陽周還報亥欲釋恬會毅禱山
川還高曰先帝欲立太子久矣而毅以為不可乃繫
諸代亥至咸陽發喪襲位遂殺毅恬曰吾積功信於

彈詞詳卷二上

九

秦三世矣今將兵三十餘萬其勢足以畔然而守義
者不敢辱先人之教以不忘先帝也乃吞藥自殺
陽周今真寧縣屬慶陽府代 秦郡今山西大同府蔚縣

秦二世用趙高指鹿為馬

秦二世皇帝名胡亥以趙高為中丞相高欲專權恐
羣臣不聽乃先設驗持鹿獻二世曰馬也二世笑曰
丞相誤耶問左右或默或言鹿高陰中諸
言鹿者以法後羣臣皆畏高莫敢言其過

獸李斯阿督責黃犬東門

陳勝等兵起二世數誚讓李斯居三公位如何令盜
如此斯懼乃阿二世意對曰賢主能行督責以獨斷
於上羣臣百姓救過不給何變之敢圖二世於是督
責益嚴民益亂後趙高譖斯長男由守三川與盜通
二世使人按驗斯上書言高罪又諫止阿房宮作者
減四邊征成轉運二世曰君不能禁盜又欲罷先帝
所為下吏按罪屬高治之擄掠千餘斯誣服與由反
狀論腰斬咸陽市斯顧謂其中子曰吾欲與君相哭而
犬俱出上蔡東門逐狡兔豈可得乎遂父子相哭而
奔三族 獸音堆廢也三川秦郡名今河南府上蔡

今縣屬汝寧府

望夸宮求王侯至於黔首

丞相命築不許刀下亡身

趙高數言關東盜無能為及沛公攻武關二世使責高
高懼乃與其婿咸陽令閻樂將吏卒至望夸宮殿門
門殺衛令入射上幄坐帷二世召左右皆惶擾不關
樂前數二世曰足下驕恣誅殺無道天下皆畔其不
為計二世曰吾願得一郡為王弗許願為萬戶侯又
弗許願與妻子為黔首樂曰臣受丞相命為天下誅
足下足下雖多言臣不敢報麾其兵進二世自殺
武關在西安府商州東望夸宮秦所建在西安府東
南八十里

子嬰起誅趙高力扶宗社

趙高立二世兄子子嬰為秦王子嬰與其二子謀曰
趙高殺二世佯以義立我使我齋見廟我稱病不行
高必自來來則殺之高果自往子嬰刺殺高夸其三族

彈詞註卷三十一

王氣銷天命改換了乾坤

子嬰稱王四十六日

都只為二世君窮奢極欲

二世嘗曰人生世間譬猶騁六驥過決隙吾欲極耳目之好窮心志之樂以終吾年壽

視蒼生如草芥重法嚴刑

趙高謂二世曰陛下刻法而嚴刑則高枕肆志寵樂矣二世乃更為法律務益深刻更音庚

發戍卒動人心曾魚變亂

二世發閭左戍漁陽九百人屯大澤鄉楚陽城人陳勝陽夏人吳廣皆為屯長欲謀舉事乃丹書帛曰陳勝王置人所罾魚腹中卒買魚烹食得腹中書怪之會天大雨道不通度已失期乃召令徒屬曰公等皆失期當斬壯士不死則已死即舉大名耳王侯將相寧有種乎眾皆從之遂起兵秦時復除者居閭里之左今力役煩在閭左者盡發之戍屯兵以守也漁陽今順天府薊州大澤鄉在徐州豐縣北陽城今宿

州陽夏令太康
縣屬開封府

假狐鳴煽惑起廣勝張陳

陳勝又令吳廣於叢祠中夜篝火作狐鳴曰大楚興
陳勝王卒皆驚恐勝乃詐稱公子扶蘇楚將項燕為
壇而盟稱大楚勝自立為將軍廣為都尉比至陳率
數萬人入據大梁張耳陳餘詣門上謁勝大喜陳中
父老請立勝為楚王勝以問耳餘對曰將軍始六國
而王之示天下私願將軍急引兵而西遣人立陳
後為秦益敵敵多則力分眾則兵強誅暴秦據咸
陽以令諸侯則帝業成矣勝不聽自立為王稱張楚
以廣為假王 陳
州名屬開封府

趙武臣魏王咎人人舉事

陳王以陳人武臣為將軍以耳餘為左右校尉狗趙
又令魏人周市狗魏武臣行收兵得數萬人下趙三
十餘城耳餘乃說武臣自立為趙王
周市畧定魏地立魏公子咎為魏王

齊田儋燕韓廣處分爭

田儋故齊王族也與從弟榮橫皆豪健周市狗地至
狄儋殺狄令而召豪吏子弟曰諸侯皆反秦自立齊
古之建國也儋田氏當王遂自立擊市走之略定齊
地趙將韓廣畧燕燕豪傑共立以為燕王 狄今樂
安縣屬
青州府

劉沛公項重瞳興兵輔楚

沛人劉邦字季初為泗上亭長會陳勝兵起沛父老
殺沛令迎季立為沛公掾主吏蕭何曹參等為季收
沛子弟得三千人欲以應楚楚將項燕子梁嘗殺人
與兄子籍避讐吳中會稽守殷通欲應勝梁使籍斬
通舉吳中兵收下縣得精兵八千人亦欲應楚為楚
莊賈弒勝降秦陳人秦嘉起兵於鄆乃立梁為楚
王廣陵人召平為楚狗廣陵聞陳王敗乃拜梁為上
柱國引兵擊秦梁遂以八千人渡江而西梁曰陳王
首事戰不利未聞所在秦嘉立景駒大逆無道乃進
擊嘉駒殺之召別諸將至薛計事沛公亦往焉居鄆
人范增年七十好奇計說梁曰楚自懷王入秦勝不
楚人憐之故楚軍公曰楚雖三戶亡秦必楚勝不反
立楚後而自立其勢不長今君起江東楚蠶起之將
皆爭附者以君世世楚將能復立楚後也梁乃求得

子按此則紀成即純信也
滕公封汝陰侯純信廣安人

封漢王用賢才築壇拜將

項羽疑沛公業已講解又惡負約因立沛公為漢王
王巴蜀漢中都南鄭初淮陰人韓信仗劍從項梁梁
敗數以策干羽不用亡歸漢為連敖坐法當斬滕公
救之言於王以為治粟都尉信數與蕭何語奇之
王至南鄭將士思歸多道亡者信以王不我用亦亡
去何聞追之人言於王曰丞相何亡居一二日何來
謁王曰若亡何也曰臣追亡者韓信王曰諸將亡者
以十數無所追信詐也何曰諸將易得耳如信國
士無雙王欲長王漢中無所事信必欲爭天下非信
無可與壇具禮諸將皆喜人東耳乃召信拜為大將
何請設壇具禮禮畢上坐王與語大喜自以為得信
信也一軍皆驚禮畢上坐王與語大喜自以為得信
晚巴今保寧府蜀今成都府南
鄭縣名屬漢中府淮陰今淮安府

蕭丞相書六律約法安民

初蕭何從沛公入關獨取秦相府律令圖書藏之及
沛公至壩上召父老謂曰父老苦秦苛法久矣諸侯
彈詞註卷三上
約先入關者王之吾當王關中與父老約法三章耳
殺人者死傷人及盜抵罪餘悉除去吏民安堵如故
秦民大喜後以蕭何為丞相據撫秦法取其宜於時
者作律九章何以功第一封鄼侯為開國名相
何沛之豐人謚文終據收拾也
去聲撫音職據據收拾也

韓元帥使機謀明修棧道

初張良說漢王燒絕所過棧道以示項羽無東意至
是以韓信為元帥將兵出定關中故修棧道以示出
兵之緩路險不容行架木為棚而渡名曰棧
道在漢中府褒城東北棧音剪又贊上聲

度陳倉逞手段席捲三秦

初項羽三分關中以秦降將章邯為雍王司馬欣為
塞王董翳為翟王距塞漢路謂之三秦至是信明修
棧道暗度陳倉引兵從故道出襲雍雍王邯戰敗走
塞王欣翟王翳皆降雍今鳳翔縣塞名桃花林在
河南府靈寶縣西至潼關翟本上郡今延安府陳倉
秦縣名今鳳翔府寶雞縣故道今兩當縣屬鞏昌府

虜魏豹斬陳餘生擒夏說

先是羽徙魏王豹為西魏王徙趙王歇為代王立張耳為常山王徙齊王市為膠東王齊將田都為齊王為齊王大怒擊都走之擊封市遂并王三齊羽又以陳餘不從入關封餘三縣餘怒使人說齊王榮資餘兵擊常山復趙王齊與共襲常山耳亡走漢餘迎代王歇復王趙歇立餘為代王餘留傅趙王而使成受君夏說守代至是漢王使韓信擊魏魏王豹盛兵蒲阪以塞臨晉信乃益為疑兵擊魏魏王豹使人請兵從夏陽以木罌渡軍襲擄豹遂定魏地信使人伏兵三萬願以北舉燕趙東擊齊南絕楚糧道西與漢王會於滎陽漢王乃遣張耳與俱信進擊代兵破之擒代相夏說引兵擊趙趙王歇與成安君陳餘聚兵井陘口廣武君李左車曰井陘之道車不得方軌騎不得成列願假臣兵從間道絕其輜重足下高壘勿戰不十日而兩將之頭可致絕下不聽信乃引兵下未至井陘口三十里止舍夜選輕騎二千人入持一赤幟從間道望趙軍誠曰趙見我走必空壁逐我若疾入趙壁拔趙幟立漢赤幟乃出背水陣趙軍望見大笑信鼓兵出井陘口趙開壁擊之信佯走水上軍趙果空壁逐之水上軍皆死戰不可敗信近出奇兵馳入趙壁皆拔趙幟立漢赤幟趙軍歸見幟大驚遂亂遁

彈詞註卷二上

走漢兵夾擊斬代王陳餘擒趙王歇蒲阪今蒲縣屬平陽府臨晉縣名屬蒲州夏陽今韓城縣屬西安府滎陽縣名屬鄭州井陘縣名屬真定府所背之水泝水也在真定府臨城縣西北二十五里

唐左車人

嚇燕書囊沙計四海馳名

信既破趙以千金募生得李左車解其縛師事之問曰僕欲北攻燕東伐齊若何左車曰將軍擄魏王豹誅成安君威震天下然欲舉倦敵之兵頓之燕堅城之下曠日持久糧食單竭燕既不服齊必自強為將軍計莫若按甲休兵遣辯士奉書於燕燕必不敢不從燕從而東臨齊雖有智者亦不能為齊計矣信從其策燕從風而靡信遂東擊齊楚使龍且救之且與信夾濰水而陣信夜令人囊沙壅水上流且引兵半渡擊且佯敗走還且喜曰吾固知信怯也遂追之信使人決壅囊水大至且軍大半不得渡急擊殺且擄齊王廣濰水源自青

州府莒州且音沮

追霸王至烏江奇謀妙算

初項羽自立為西楚霸王至是楚與漢約中分天下
羽解而東歸漢王追羽至固陵韓信彭越皆引兵來
乘駿馬從八百餘騎潰圍出馳至陰陵迷失道田
父給曰左乃陷大澤南及馳至陰陵失道二十
八騎羽謂其騎曰吾起兵八歲身七十餘戰未嘗敗
北今卒困於此此天亡我非戰之罪也於是欲東渡
烏江亭長艤船待曰江東雖小亦足王也羽曰天之
亡我我何渡為且籍與江東子弟八千人渡江而西
今無一人還縱江東父兄隣而王我何面目見之
乃自刎而死楚地遂定 固陵而今光州固始縣垓堤
名在鳳陽府虹縣西陰陵今無為州東城在濠州烏
陵為南楚吳為東楚彭城為西楚 垓音該

趕田橫歸海島許大功勳

初信破齊擄齊王廣田橫後自立為齊王聞項羽已
滅橫懼誅與其徒五百餘人入居海島中後漢召橫
橫與二客乘傳降漢未至三十里自刎橫既葬二客
亦自刎島中五百餘人亦自殺 海島在萊州府即
墨縣 西北

扶助起漢高皇獨稱赤帝

天下既定漢王始即帝位是為太祖高皇帝初帝嘗
被酒夜經澤中有大蛇當徑帝拔劍斬蛇有老嫗夜
哭曰吾子白帝子也化為蛇當道今赤帝子斬之
秦居西屬金金色也故曰白帝子劉堯後堯火德故
稱赤帝子澤中在徐州
豐縣西今名斬蛇溝

璜按升菴稱韓元帥使機謀逞手段席捲生擒四海
馳名奇謀妙算許大功勳等語皆盛贊韓信之功之
大也又云扶助漢高獨稱赤帝蓋因項羽曾使武涉
說信欲與連和三分天下信謝之曰漢王授我上將
軍印言聽計用夫人親信我信之曰今兩主之命
武涉去蒯徹知天下權在信乃說之曰今兩主之命
懸於足下莫若兩利而俱存之三分天下信曰漢王
遇我厚吾豈可以卿利而倍義乎徹曰足下必漢王
之不危已亦誤矣野獸盡而獵狗烹願足下深慮之
信不從助獨稱四字不特贊信功且原信心而
升菴扶助獨稱四字不特贊信功且原信心而
深有憾於三族之夸也 蒯徹字通涿郡人

仗三傑鋤暴楚嫚語分羹

帝西都洛陽置酒南宮問諸將曰吾所以有天下項
氏所以失天下者何王陵等對曰陛下使人攻城略
天下也帝曰公知其未知其二夫運籌帷幄之中
決勝千里之外吾不如子房鎮國家撫百姓給餽餉
不絕糧道吾不如蕭何連百萬之眾戰必勝攻必取
吾不如韓信三者皆人傑吾能用之此所以取天下
也項羽有一范增而不能用所以為我擒也初帝為
漢王將兵伐楚入彭城為羽所破與數十騎俱去太
公呂后為楚軍所獲羽置軍中為質後楚漢俱軍廣
武羽為高祖置太公其上曰今不急下吾烹太公王
曰吾與若俱受命懷王約為兄弟吾翁即若翁必欲
烹而翁幸分我一杯羹羽怒欲殺之項伯曰為天下
者不顧家殺之何益羽益禍耳得免彭城今徐州
廣武城名在開封府河陰縣北史載彭祖父曰太
公母曰媪皇甫謐曰太公名執嘉又名端猛姓王索
隱曰媪溫氏打得班固
泗上亭長古石碑可據

印銷鑄霎時間轉環借箸

初楚數敗漢漢王與酈食其謀撓楚權食其曰秦伐
諸侯滅其社稷大王誠能立六國後其君臣百姓必

彈詞註卷三

皆戴德慕義楚必斂衽而朝王曰善趣刻印欲行張
良來謁王方食具以告良良曰臣請借前箸為大王
籌之天下遊士離親戚棄墳墓從大王遊者徒欲望
咫尺之地今復立六國後遊士各歸事其主大王誰
與取天下乎王輟食吐哺罵曰豎儒幾敗乃
公事今趣銷印酈音歷食音異其音基

斬丁公救季布賞罰分明

初楚人季布為項羽將數窘辱帝帝以千金購布匿
者罪三族布乃髡鉗為奴自鬻於魯朱家朱家心知
其季布也買置田舍身之洛陽見滕公曰季布何罪
臣各為其主且今上始得天下而以私怨求一人何
示不廣也滕公言於帝帝乃赦布召拜郎中朱家遂不
復見之布母弟丁公亦為羽將逐窘帝於彭城西短
兵相接帝急顧曰兩賢豈相戾哉丁公乃還至是來
謁帝以徇軍中曰丁公為臣不忠使項氏失天下遂
斬之曰使後世為人臣無效丁
公也丁公名固薛人危音阮

太疑心老相國自污田宅

陳豨初反帝往擊之呂后與蕭何計誅韓信上聞
使使拜何為相國益封五千戶人皆賀召平獨弔曰

上暴露於外而君守於內非被石矢之難而益封君置衛非以寵君也以今者淮陰新反有疑君心願君讓封勿受悉以家財佐軍何從之上說其秋黔布反帝自將擊之數使使問相國十餘年上所為數問君族不久矣君入關中得民心何為客又說何曰君減畏君傾動關中今君胡不多買田地賤贖貨以自污上心必安何從之帝還百姓遮道訴相國帝大悅 稀音僖

因乘勝擊冒頓幾困平城

帝封韓王孫信為韓王都馬邑匈奴寇邊信以馬邑降帝自將擊信破其軍信亡走匈奴帝聞冒頓居代谷使人覘之冒頓匿其壯士肥馬使者皆言可擊復使劉敬往敬還報曰兩國相擊此宜矜夸今臣徒見羸瘠老弱此必欲見短伏奇兵以爭利愚以為不可擊帝怒以敬妄言沮軍械繫敬廣武帝先登平城兵未盡到冒頓縱精兵四十萬騎圍帝於白登十日帝用陳平計使畫工圖美女間遣人說單于妻閼氏云漢有美女欲獻之閼氏畏奪已寵謂單于曰漢天子亦有神靈得其土地非能有于是單于聞其一角得突出帝至廣武敖敬封為建信侯一書云漢高祖平城之圍其城一面即冒頓妻閼氏兵強於三面陳平

彈詞註卷三

八

訪知閼氏妬忌造木偶人運機關舞埤閼氏望見謂是生人慮下城冒頓必納之遂退兵乃得出此傀儡之始也 匈奴單于頭曼有太子曰冒頓自立為單于馬邑縣名屬大同府代谷今大同府蔚州廣武故城在太原府代州平城在大同府東白登山名上有臺在大同府城東閼氏音烟支匈奴皇后號 韓王名信都今史止云封信為韓王而遺去都字使其名姓全同淮陰前輩謂史公疎漏此也冒頓音默

用陳平出奇計偽遊雲夢

初帝破楚更立齊王韓信為楚王人有告信反者帝問陳平平曰古者天子巡狩會諸侯陛下第出偽遊雲夢會諸侯於陳陳楚之西界信必迎謁詔而擒之特一力士事耳帝乃告諸侯會陳南遊雲夢帝及至陳信謁帝帝令武士縛信信曰果若人言狡免死走狗烹帝曰告公反遂械繫信以歸亡洛陽赦信封淮陰侯平佐帝凡六出奇計請捐金行反間一也以惡草具進楚使二也夜出女子二十人解榮陽圍三也躡足請封齊王信四也請偽遊雲夢五也解白登

安事詩書賈曰馬上下得之寧可馬上治之乎帝曰試
為我著秦所以失天下吾所以得之者及古成敗之
國陸生乃祖述存亡之徵凡著十二篇每奏一篇帝
未嘗不稱善左右呼萬歲號其書曰新語 未央宮
東闕北闕前殿武庫遺址尚存

商雒間四老出黃綺功成

呂后生太子盈戚姬有寵生趙王如意帝以太子仁
弱如意類已欲廢太子而立如意呂后使呂澤劫張
良畫計良曰此難以口舌爭也顧上所不能致者四
人曰東園公綺里季夏黃公角里先生宜請來令上
見之固一助也呂后使太子為書卑辭安車迎此四
人四人至會宴置酒太子侍四老從年皆八十餘鬚
眉皓白衣冠甚偉帝怪問之四人各言姓名帝驚曰
吾求公數歲公逃避我今何自從吾兒遊乎四老曰
陛下輕士善罵臣等義不辱今聞太子仁孝恭敬天
下莫不延頸故臣等來帝曰煩公幸卒調護於商洛
子竟不易皆留侯招此四人之力也四皓隱於商洛
山中故謂之商山四皓 東園公姓袁名秉又一書
云姓唐名宣明綺里季姓朱名暉字文季夏黃公姓
翟名廓又一書云姓翟名廣字少通角里先生姓周
名術字元道綱目以綺里季夏一人黃公一人蓋杜
甫詩有黃綺終辭漢之句以黃為氏也 角音六

大風歌思故鄉歛歎悲慨

帝擊誅英布還過沛置酒沛宮悉召故人父老諸母
子弟佐酒道舊故為笑樂酒酣帝擊筑歌曰大風起
兮雲飛揚威加海內兮思故鄉安得猛士兮守四方
於是起舞慷慨傷懷泣下數行謂沛父兄曰吾雖都
關中千秋萬歲後吾魂魄猶思沛其以
沛為湯沐邑復其民世世無有所與

鴻鵠飛羽翼成愛子傷心

四皓侍太子宴出帝召戚夫人指視之曰我欲易之
彼四人者輔之羽翼已成難動搖矣戚夫人泣上曰
為我楚舞吾為若楚歌歌曰鴻鵠高飛一舉千里羽
翼已就橫絕四海橫絕四海當可奈何雖有燭繳尚
安所施歌數闕戚夫人
嗷啼流涕上去罷酒

皇帝貴都長安叔孫婁敬

叔孫通說帝起朝儀采古禮與秦儀襍就之帝從之
通遂徵魯諸生及帝左右與其弟子百餘人為綿蕞

野外習之月餘帝觀之曰吾能為此令羣臣肄習長樂宮成諸侯羣臣皆朝賀莫不振恐肅敬禮畢置法酒諸侍坐者無敢喧嘩失禮帝曰吾乃今日知為皇帝之貴也拜通為太常齊人婁敬成隴西過洛陽求見上曰洛邑天下之中有德易以王無德易以亡秦地披山帶河四塞以為固卒然有急百萬之眾可具此扼天下之吭而拊其背也帝即日車駕西都長安拜敬郎中賜姓劉氏綿蕞置設綿索為習肄處蕞謂以茅剪樹地為蕞位尊卑之次蕞乃蕞之俗寫音最

去賓天付社稷平勃王陵

上擊布時為流矢所中歸疾甚呂后問曰陛下百歲後蕭相國死誰令代之曰曹參問其次曰王陵可然少韜陳平可以助之平智有餘然難獨任周勃厚重少文然安劉氏者必勃也呂后復問其次曰此後亦非乃所知也遂崩在王位四年即帝位八年壽五十三葬長陵周勃封絳侯王陵安國侯

廿一史彈詞註卷之三上